

a2^r

Inhalt der ersten Predig.

Sihe/ difer ist gefetzt zu einem fall/ 7c. Lucæ2.
 Cap. Liebes Volck/ weil ich wil jetztmals reden
 vom end der Weld/ Ertlich so fol ich das für
 gehalten haben/ daß ich die/ die da predigen/ das
 end der Welt werde sein bald vnd auff's ehift/ weder
 loben noch schelten wil: Zum andern/ die da predi-
 gē/ das end der welt sey nit so bald/ ja/ es sey noch ferre dahin/ wie an-
 dere predigen/ die wil ich gleichfals nit gelobt noch gescholten habē/
 Aber zu erkennen/ welches worten vnder disen Predigern mehrers
 zu glauben sey/ wil ich drey Prophecey kurtzlich außlegen/ die hat
 man im Daniel am 2. 3. vnd 4. Cap. vnder welchen die erft redet
 vom fall des Geiftlichen lebens/ Die ander/ vom fall Geiftlicher
 hochheit/ Die dritt/ vom fall des Catholischen Glaubens/ damit
 wann jr fehen werdet/ daß dise ding nacheinander erfüllet werden/
 ehe erkennen können/ welcher auf denen Predigern warhaffter sey/
 wann alles im Alten Testament geschahe in vndeutung. Aber ich
 ziehe nit an die Schrifften vnd Scribenten vom end der Welt/
 dann die mainungen der Prediger vom end der Welt/ seind man-
 cherley/ vnd widerwertig zu disen zeiten/ Sittlich aber wil ich re-
 den/ 7c. Wann derhalben jr fehen werdet/ daß der verstand der erftē
 Prophecey erget/ als daß jr wol sagen werdet können/ Sihe/ difer
 (nemblich/ der stand Geiftlichen lebens) ist gefetzt zu einem fall/ vnd
 also fort von den andern zweyen/ Vnd als dann wird das end der
 Welt kumen/ geschwind/ vnd auff's kurtzest.

Von

d4^v

Ein anderer tractat/ hier^s
 zu/ für den gemainen Mann/ vnd jeder menig^s
 klich zu erinnerung vnnd bedenckung/ fait
 tauglich/ fruchtam/ vnnd
 nützlich.

Von der rechten Kirchen/ vnd von dem
 rechten Glauben auff Erden.

DJe fürnembften Religiones, oder Glauben/ auff gantz^r Welt/
 hauch noch zu difen vnfern zeiten/ feind/ Haydenfchafft/ Befchnei-
 dung/ vnd Tauff.

Ertlich von der Haidenfchafft/ jre wohn
 von Glaubens fachen.

DEr Haid ift jrrig/ vnd frey mit feiner mainung/ er mag jm einen
 Gott vnd Glauben außerwölen/ oder felbft machen/ wie er wil/
 dann er kein aigen Gefatz/ Regel vnd Schufft hat/ als allein die
 vernunft/ Aber die getaufften vnd befchnidnen haben jren ordentlichen
 (gleichwol nit bey jedem richtig) Glauben/ Gefatz/ vnd Lehr/ Darumb
 fpricht der Haid: Jch bin auff die Welt geboren/ vnd waiß doch nit wo
 ich bin. Jch bin in der zeit/ vnnd was die zeit fey/ waiß ich nit. Jch fihe
 den Himel/ vnd den Herren erkenne ich nit: Wir werden geboren/ wir
 fterben/ was dann mehr darnach: Der menfchen wohn vnd mainungen
 gehn dahin auff mancherley weg/ Jch waiß nit/ wo ich mich hinkeh^s
 ren foll.

Zum andern/ Von den Befchnidtnen.

DJe Befchnidtnen fagen/ es ift ein Gott/ der Himel vnd Erden
 erfchaffen hat/ vnd alles/ derfelb hat fich felbft dem menfchlichen
 gefchlecht offenbaret/ vnd mit Abraham vnnd vns ein bundt ge^s
 macht

e1^r

macht der Befchneidung für den zukünftigen Messia. Nota. Hie entftehet ein Spaltung vnd zwitteracht vnder den Befchnidtnen.

Die Agareni/ Saraceni/ Türcken/ oder/ Huren kinder Jßma^{er} els/ als die eltern der Befchnidtnen von Abraham an/ fagen: Er ift schon kommen/ derfelb groß Prophet/ nemblich Machomet/ der vns hailfame Gefatz geben/ vnd vns alle Völcker vnderthenig macht/ darumben fo follten auff hören vnd weichen all andere vorige Propheten.

Die Juden aber/ als die recht befchnidtnen vnnd Ehekinder von Jfaac/ fagen/ wir erwarten noch den künftigen Messias/ der vnser Reich wider auffrichten wird. Machomet ift nit derfelbig vns verhaiffener groß Prophet/ noch der Chriſten Jesus/ daß vns/ bey denen blieben ift die wahre Religion der Propheceyung/ vnnd fouil Jar der Tempel vnd Gottßdienft/ ift verhaiffen worden der Messias/ der vns von diefer langwerigen gefengknuß entlich erledigen/ vn̄ den Tempel Salomonis vnd das Land der verhaiffung wider zuwegen bringen zuftellen vn̄ anrichten wird/ vnangefehen daß wir gewißlich/ halten vnnd glauben/ es gehe nu zum end der Welt.

Zum dritten/ von den Getaufften/ dahin dann diß Tractätel angefehen.

DJe Getaufften/ fagen/ glauben/ vnnd halten ſich deß/ Allein der Chriſtlich Glaub mache felig/ vnnd kein anderer/ das ift/ weder der Hayden/ Juden noch Türcken glaub. Dann Gott hat in dieſe Welt gefendet feinen Son/ nemblich/ denfelben verhaiffenē großen Propheten Messias/ daß er vns Menſchen lehrete den weg des hailß/ vnd er ſelbft erlöfete das Menſchlich geſchlecht/ vnnd jhme die gerechtigkeit zu vns wider eroberte/ ohn welchen niemand kan felig werden. Deffen Reich/ ſo er angerichtet/ ift nit zeitlich/ weltlich/ jrirdiſch oder fleiſchlich/ ſondern Geiſtlich/ Himliſch vn̄ ewig. Der jme auff dieſer erden ein Kirchen ſamlet von ſolchen die ſein lehr annemen vnd ſteiff halten/ auffſer welcher Kirchen ſonſt nirgend mehr kein hail vn̄ feligkeit zu hoffen noch zugewarten ift. Aber allhie entftehet auch zwifpalt vnnd zankung vnder den getaufften ſelbft/ welches doch die rechte Kirch Gottes/ vnd wie der Chriſtlich Glaub recht zuuerſtehen fey: Merck allda. Welche Chriſten bey der Allgemainen Kirch oder verſamblung bleiben/ die haift
e man

e1^v

man Catholifch/ rechtglaubig. Welche aber ein befonders machen/ vñ von der gemain der gantzen Chriftenheit außtreten/ vnd fich abtünden/ die haift man vnd feind Ketzer/ das ift/ Gottflåterer/ oder Götzer/ oder Götzenehrer/ vnd jhrgeift.

Ein fpalt vnd zanck der Chriften/ vmb die recht Kirchen.

DEr Catholifch Chrif/ fpricht: Jch glaub ein einige Kirchen/ ein Catholifche vñ Apoftolifche/ vnd dife ift nemblich die Römifch/ von H. Apofteln felbt/ Petro vnd Paulo/ gepflantz.

Der Ketzerifch Chrif/ fpricht: Die Römifche Kirchen ift nit die warhafft Catholifch/ Apoftolifch vñnd rechtfinnige Kirchen/ dann vber die heilig Bibel/ glaubt fie auch das wort Gottes/ fo fie nur durch liferung oder vberreichung von hand zu hand angenommen hat. Derhalbten fie vil Artickel/ ceremoni/ vnd fatzung hat/ fo nit außtrücklich in der H.Schrift gegründet/ als die Meß/ anruffung der Heiligen/ Vorhell/ Fegfewr/ nur einerley geltalt des Sacraments/ Pabltz gewalt/ viertzigtagig Falten/ Kinder tauffen/ heilig Chrifam vnd Oel/ Waffer vñnd Saltz legnen/ Sonntag für den Sambftag halten/ Fafttag vñnd Feyrtag fetzen/ vñnd dergleichen mehr/ die einen geduncken wider Gott fein/ vñnd wider eines Chriften menfchens gewiffen/ hail vñnd glauben/ gethan vnd gehalten werden. Darumb halt ich allein die für die recht Kirch auff erden/ wo das gefchrieben wort Gottes hell/ rain/ lautter vñ klar gepredigt wird/ das ift/ wo man nur bey dem text bleibt/ vnd allein dem text nachgeheth.

Cathol. Welches/ vñ was ift das wort Gottes/ Jfts allein difes was gefchriben worden/ vñ nit vil mehr was zu gleich gefchriben vñ gepredigt worden? Hat vnfer Herr vnd die Apoftel nit ein wort mehr geredt vñ gepredigt/ on allein nur fouil was die Euangeliften vñ S. Peter/ Paulus vnd Johannes/ 7c. gefchrieben haben? Sagt nit S. Petrus 1. Epift. 1. Das wort aber/ das bey euch ift gepredigt vñnd verkündigt worden/ er fagt nit/ allein das wort was gefchrieben ift worden. Item/ Marci am letzten/ Gehet hin in alle welt/ predigt das Euangelium aller Creatur/ er fagt nit/ Ichreibet: vñ S. Paulus zû Theffalo. 2. Cap. Seit ftandhaft/ vñ haltet die vberliferung die jr gelernet habt/ entweder durch predigen/ oder durch vnfer fendbrieff. Item/ Welcher Glaub vñnd welche Kirchen

e2^r

chen ist die/ von der zu den letzten zeiten auch die außerwölten werdē abgefürt werden/ wann es möglich wår. Wann die Römisch Kirch allein die Bibel angenommen het/ vnd nit auch die vberlieferung hielte/ wie vnd mit was artickeln künden nit allein die beruffnen Chriften/ die noch in der prob vñ wahl ftehn/ fondern auch die außerwölten selbft (die doch nit kinder/ narren/ vnwillfend/ oder vnftandhaftt leut fein werden) von jr zu den letzten zeiten verfüret werden/ so müffen je die verfürer/ wer auch die fein werden/ ftarcke/ warfcheinigfte artickel haben/ darauff jederman tausend aid fchwören vnd fterben wolten/ es wåren recht vnnd wahr/ vñ werden doch nit wahr fein/ damit sie auch die außerwölten bewegen/ vñ entlich verführen wurden/ wo es möglich/ vnd die tåg nit verkürtzt wurdē/ da doch die erwölten nit mit der Kirchen von der schrift/ fonder mit der Schrift von der Kirchen vnd Kirchens gehör vnd gehorsam zu den letzten zeiten verfüret vñ betrogen möchten werdē. Sag mir nu lieber Ketzer/ was werden dann das für artickel oder argument fein der verfürer/ dafür vnser Herr vns so trewlich warnet. Hierin dir aber zu rathen ist/ vñ wår dir gar hailfam/ daß du Catholische büchlein leseft/ die nach lengs dauon handeln/ fonderlich den groffen Catechismus Canisij/ nach außlegung der zehen Gebott. Item/ Jr Ketzer selbft warfaget/ vñ häfftiger als die Catholischen/ fetzet auch gar benante zeit vnd ftund/ es stehe schon am ende der Welt. Wo dann vnd wann wird erfüllet die Prophecey Christi vnd seiner Heiligen/ nemblich/ von vilen falchen Propheten/ die zugleich auff einmal mit einander kumen werden. Item/ von dem Antichrift. Item/ von der verführung vnd groffem abfall/ 7c. Entweder jr Ketzer seit es gewißlichen selbft dieselben gefellen/ oder die wort der höchften warheit wurden nu mehr nit können wahr werden/ Des menschen Son wann er kumen wird/ wird er auch ein Glauben finden auff erden?

Ketzer. Ob vnser Lehr vnd Religion (die wir doch alles nach der Schrift richten/ vnd thun nit vmb ein pünctel mehr oder weniger/ ohne was jedem wolgefelt) schon/ gefetzt/ nit recht wår/ so wil vñ kan mir doch nimmermehr eingehen/ daß die Römisch Kirch recht sey/ dann wo man nit Chriftlich lebt/ da ist je kein rechts Chriftenthumb/ als dann die heiligkeit vnd nachlässigkeit der Preläten vnd Geiftlichen in jren Geiftlichen glübden vnd ämbtern außweifet/ daß die Römisch Kirch nit auß Gott sey/ was vbels vnd ärgernuß stiftten vnd richten sie nit an in der welt.

e2^v

Cathol. Layder Gott erbarmt/ was haben wir anderft zu klagen in difen Landen von vnfern Bifchoffen vnd Preläten/ was müffen wir nit noch mit vnferm ſchaden erfahren vnd wol innen werden? Jedoch diß alles fey on nachtheil vnd ſchaden der Römifchen Kirchen giltung vnnd anfehenheit vn̄ gewalt/ dann allein dife hat lehrer vnd Hirten/ in Götlichen ſachen ainig vnnd gelehrigt/ auſſerhalb dieſer Kirchen findtu es nit alfo. Auch dife allein widerfteht allen Ketzer/ allem Hellifchen anlauff/ vnnd dem nãrrifchen vrtheil des gemainen pöfels/ daran dann nit wenig gelegen/ vnd wol zu mercken/ daß auch die Hayden vnnd viel Weltweife hefftig vernichtet vnd verworffen haben die Rãthſchleg vnd beredungen des wanckelmütigen pöfelß gefind: Vnd warumben dann der gemain Mann der Ketzer lehr fo begierig vnd hitzig annimbt vn̄ folgt/ kan doch kein fo grober Ketzer aufftehn/ er bekombt geftracks ein anhang.

Ketzer. Dannoch ift die Römifch Kirch nit Apoftolifch/ fihe den pracht vn̄ hoffart der Geiftlichē/ wie feind ſie fo getrewe außſpender der güter vnfers Herrens vnd S. Peters erbthails/ darüber ſie gefetzt/ ſihe/ die vilfeltige mancherley mißbrãuch vnd mißhandlungen/ vnd ander vn̄rath mehr/ Jft dann das ein Apoftolifch leben?

Cathol. Wann jr Ketzer alfo vrtheilen wölt/ wo der recht Glaub ift/ da ift auch das recht leben/ vnd wo das recht leben ift/ dafelbft ift auch der recht Glaub/ dann Glaub vnnd Lieb oder guts leben/ feind vn̄zerteilt/ kan eins on das ander nit fein: Zwar auff die mainung wãr niemals auff gantzer welt Chriftlicher Glaub vnd Kirchen gewefen/ fonderlich bey euch Ketzern/ dann wo bey vns Catholifchen ein ſplitter oder ſpeil ift/ da habt jr entgegen trãm vnnd balcken: Bey euch ift man zwar auch böß/ vn̄ entgegen kein gutthaten/ als faften/ beten/ allmufen/ Gottsdienft/ auß/ ꝛc. wie dann bey vns Gott lob noch zu finden. Zwar/ jhr Ketzer habt die Welt nie frömmere gemacht/ fonder allwegen nur ärger.

Ketzer. Ja ift doch zur zeit Chrifti ein bößheit gewefen der leut/ vnd ein ſpaltung im Glauben/ vnd zwar/ wo das Euangeli rain vnd lautter gepredigt wird/ dafelbft werden die leut alle mal nur ärger/ dan̄ das ift die eigenſchafft des Euangeli.

Cathol. Ja des fünfften Euangelij Luthers/ O wol ein fein hübfch Euangeli ift das/ dardurch die leut nur ärger vnnd toller werden. Es feind.

e3^r

feind ja auch böse Menschē gewesen zur zeit Chrifti/ man lifet aber nit/
daß die/ die fein Euangeli ernstlich vnd hertzlich haben angenommen/
darauß noch ärger worden feind/ fonder daß sie sich bekehrt haben zur
buß vnd frid/ das ift das werck vnd eigenſchafft.

Ketzer. Sag her Catholifcher/ warumb die Römifch Kirch die ai-
nig rechte Kirchen Gottes fey/ in der ärgernuß.

Cathol. Laß dir in dein kopff eingehen/ vnd lerne/ dich darauß ver-
richten/ das/ welcher da ſpricht oder glaubt/ daß die Römifch Kirch
nit fey die warhafft Kirch Gottes/ fondern/ etwo eines Ketzers ver-
ſamblung/ fo der Römifchen zu wider/ fey die recht Kirch auff erden/
derfelb läftert Gott manigfaltig/ gleich als ſprech er/ Gottes wort
bleib nit ewig/ es laß ſich vnder die banck ſchieben/ Chrifti Gebet fey nit
gewehret vnd erhöret worden/ daß S. Peters Glaub nit auffhören ſol-
le/ vnſer Herr hab fein Kirchen nit auff ein Fellen gebawt/ fonder auff
ein ſandt: Item/ Gott fey ein vnweifer Bawman/ der jme mit fleiß ein
ſolche zerrißne/ ſpaltige/ einfchichtige/ vnordenliche/ vnbeltändige/ wi-
derſpännige Kirchen/ als ewer Ketzerifche Synagog feind/ auff der welt
zufamen klaube vnd aufferbawe.

Darumb aber ift das die recht warhaffte Kirchen/ weil Gott den
vnglaubigen zu bekehrung anfangs kein falch Euangeli predigen laßt/
So ift die Römifch Kirch die allzeit die vnglaubigen auch euch Ketzer/
zum Chriſten Glauben friedſamblich bekehret/ da entgegen jr Ketzer
allein nur die glaubigen Chriſten verführet vnd verkehret/ allzeit mit
auffrhur/ vnruhe/ vnd ſchwermung/ bey den vnglaubigen habt jr noch
wenig nutz vnd frucht geſchafft. Jft dir das nit genug/ fo ſag her Ketzer/
Wo dann/ vnd welches ift die Kirch/ die die Apoſtel ſelbſt gepflantz
haben/ die bißher ſtandhafft blieben/ vnd noch bleiben wird biß zum end
der Welt/ es ifts je allein die Römifch Kirch vn̄ kein andere/ das erweifet
die ſtätwehret lini oder folg/ daß es der Apoſtolifch ſtul vn̄ gewalt fey/
vnd daß es jeder zeit die aller grōßt Kirchen ift/ die die gantz Welt
zum rain vnd refier oder vmbkraiß hat.

Ketzer. Es ift nit die Catholifch/ das ift/ die Allgemain Kirch auff
erden/ dann nit alle Kirchen diſer Römifchen vnderworffen vnd vnder-
thänig fein/ als nemblich/ der Griechen/ Reuffen vnd Moſcowitter:
Vber das/ fo hat die Römifch Kirchen allzeit viel widerſprecher vnd
Proteſtanten gehabt.

e iij Cathol.

e3^v

Cath. Vor zeitē feind gedachte Kirchē der Römischē auch all vnderthe-
nig vñ gehorfam gewefen: zwar billich/ aber hernach durch fpaltung vō
jr abgewichen/ vnd nit on jren fndern entgelt vñ ſchaden/ wie dañ auch
jetz und der Ketzner gefchmaiß/ ſchaw vmb lieber/ wo feind ſie hin komē/
wer hats jetzt zuuerleihen. Vñ vor Jaren feind auch zehen ſtañ oder ge-
ſchlecht der kinder Jfraels vō hauß Daud vñ von dē rechtē Gottſdienſt
abgefallē/ habt jnē ſelbſt guldene Kâlber auffgerichtet vñ die angebetet.
Ketzner. Es ſtehet aber dabey/ auß jren fruchten/ 7c. Zwar die Rôm:
Kirch hat jnen groſſe frucht zigelt vnd auffbracht/ ſihe die Hirten/ ſihe
die ſchâflein/ beſihe jr menſchen lehr/ vñ die verachtung der H. Schrift.
Cathol. Heilig iſt dennoch diſe Kirchen/ da die frumbkeit vorzeucht
der boßheit/ iſt da ein ſprießlein/ ſo iſt bey euch vnnd andertwo ein wiß-
baum/ da iſt die Meß/ der recht Gottſdienſt/ der recht gebrauch der
Sacrament/ die lehr vnd vbung aller Chriftlichen guten werck/ des fa-
ſten/ betens/ allmufens/ da iſt glaubheit/ fried/ ainigkeit vnd gehorfam/
da gehet es allenthalben ordenlich zu an einem ort wie an dē andern/ bey
euch iſts nit alſo/ da feind heilige Orden vnd ordnungen der ämbter/ ar-
beiter vnd ſtreitheldē/ Martyrer/ Bekenner/ Jungfrauen/ Biſchoffen/
da iſt ein allgemain Geiftlich haubt/ da feind grad vnnd ſtaffel in wûr-
digkeiten/ da iſt ein feine vergleichung vñ zuſamen haltung baiden ſtând
Geiftlich vnd Weltlich/ 7c. Bey den Ketzern aber iſt dergleichen nichts/
als nur wort/ wort/ predigen/ predigen/ ſchöne holdſelige reden/ zum be-
trug des pöfels/ da feind die Schâflein Herren/ Richter Vrtheiler vnd
Obrigkeit jrer Lehrer vñ Hirten/ die Layen ſchreiben jren Seelforgern/
jrē Biſchoffen/ Superintendenten, Agenden, vñ Kirchenordnung für/
was jre Predicanten ſchreiben/ darüber erkeñen die weltlichen/ obs jnen
annemblich oder nit/ In Summa/ es iſt kein volck vnder der Sonnen/
glaubig oder vnglaubig/ das ſo gar lâhr vnnd öd iſt/ ohn alle
ordnung/ on haubt/ on hând vnd fuß/ on ehr/ on Prieſter/ on opffer/ on
altar/ on Gottſdienſt/ on ceremoni/ on gefatz/ in Göttlichen/ Geiftlichē
vnd Kirchen ſachen zuuerſtehen/ halten ſie aber an etlichen orten was/
ſo haben ſie es gewißlich nur von den Pâbſtlichē her/ darumbē auff der
welt kein hæßlicher/ vergiffter/ feindfeliger/ lâcherlicher thier (beſtia) iſt/
als ein ketzeriſcher Chriſt/ ja/ alles vbel vnd verderben (als die vnglaubi-
gen ſelbſt ſagen) wird begriffen vnder dem einzigē wort/ Ketzner/ darumbē
es vil rathfamer vnd leichter zuuerantworten iſt/ Türckifch ſein als
Ketzneriſch/ dann warm oder gar kalt. Ke

e4^r

Ketzer. Es ist greifflich vñ augēcheinlich/ daß der Pabst ein falscher Prophet ist/ sambt feinē gefchornē hauffen/ vnder den schaffsklaidern/ ein Abgott auff erden/ der sich anbeten laßt/ der leibhaftig Antichrift/ er helt nichts von den verdienften Christen/ 7c. wie kan dann sein Rō: Kirch/ dessen haubt er sein wil/ die recht Christlich Kirchen sein auff erden.

Cathol. Kein Pabst hat sich selbst in Calender eingeschrieben/ heilig gemacht/ oder jme selbst ein Fest bey leben auffbracht vnd zuhalten begeret/ sonder der Pabst helt die Fest Gottes/ Weynachten/ Pfingsten/ Ostern/ 7c. Item/ er betet das Confiteor, Vatter vnser/ Miserere, &c. vñ wil daß es alle Christen können/ wissen vnd beten sollen: beschaw die Rōmischen Mißthal vnnd Breuiar, ob er sich an Gottes ftat anbeten laß/ vnd was er von den verdienften Christen halt. Weil dann aber zu den letztē zeitē nit erst der recht glaub herfür kömen sol/ sondern lauttr vn- glaub/ auch nit wahre Propheten/ on Enoch vnd Elias/ sonder falsche/ vnd derer vil/ solt jr ketzer betrachten/ wer/ vnd was falsche Propheten sein Itē/ Sie werden kömen/ selbst/ vngeruffen/ vngesandt: Die Rōm: Kirch kömt nit mehr zu vns/ daß es ist schon ehe lang gewesen/ aber wir Christen kömen zu jr/ allein zu den vnglaubigen kumbt sie noch/ die daß sie allein/ vñ nit die ketzer/ mit der hülff Gottes/ allzeit bekeret. Zu euch werden sie kömen/ Wer seind dieselben Euch/ Ob nit alle ketzer auffgestanden seind wider die Rōmisch Kirch/ ob nit die alleinig standhaft gestritten hat für die warheit/ auch die ketzer endlich alle vberwunden vñ zu nichte gemacht hat/ Lieber/ laß dir dz ein bedenckē vñ gewißheit sein.

Ketzer. Es ist alles was Christus gelehret/ souil vns notwendig/ durch die Euangelisten/ auch was der H Geift die Apostel hat lehren sollen/ durch die Apostel beschriebē worden/ daran es genugsam/ derer schrift allein wir gebrauchen vnd darauff fuellen/ selten der Patres gar nit der tradition, oder vberlieferung/ darumb vnser Glaub vnnd Kirch inn der lehr vnsträflich ist/ darumb wir desto sicher vnnd gewisser sein vnser Christlichen Glaubens/ vnnd daß wir die rain Kirch bey vns haben/ es sey euch lieb oder laid.

Cathol. Vnsträflich ist zwar das wort Gottes an jm selbst/ es redts gleich ein frommer oder böser mensch/ Aber nit der Prediganten wort darunder einzumischen/ Man wird es genug inen/ wie ewre Prediganten an einander straffen/ in so vilerley Sectē zerpalten/ die alle jetzt zu vnsern zeiten nit auß der Catholischen Kirchen abfunderlich/ sonder auß

Luthers

e4^v

Luthers Synagog entftanden feind/ dann fie waren vaft all zuuor Lu-
therifch. O du armfelige zerrifene Ketzzer Synagog/ in was Artickeln
höreftu vnnd nimbft an die Kirchen wie Chriftus beuolhen: Welche
Mutter höreftu vnnd ehreftu/ fo dich Gottes berümeft als deines Vat-
ters. O du armfeliger/ verjrrter/ verwirrter Ketzzer Glaub/ ohn alle
werck vnnd frucht. O du feltes hauß Gottes/ es wird dich noch fo bald
kein fturmwind oder hellifcher gewalt vmbftürtzen. O du
glücklichs Schiff Petri/ die wafferwellen fchlagen aller
orten hinein/ aber fencken vnd dauchen können
fie dich nit/ deffen feind wir von
GOTT ver-
gwift.

Ein

i2^v

Folgen hernacher
die Scholia.

1. Sehende menschen.) Difen Namen vnd Tittel gibt die Schrift den Propheten/ vnd andern die mit Prophetischem Geift begnadet gewesen/ etlich mal/ daß sie nemlich sehend genannt werden/ zur beweisung der höchsten gewißheit derer weiffagungen/ daß dieselben für so wahr vnd bekannt angenommen werden sollen/ als weren sie allberait schon mit der that selb ins werck gericht/ vnd von menschen warhafftig gefehen worden. Daher dann Efaias/ Ezechiel/ Nahum/ vñ andere jre Propheceyen von diser art zu reden angefangen haben/ anzuzaigen/ daß jre Propheceyen vnd weiffagungen am nechsten mit der erkantnuß verwandt seyen/ die von den gelehrten Intuitua notitia genant wird.
2. Den tag der vollendung.) Verstehe die letzte zeit vor dem tag der vollendung. Dann dergleichen Phrasen vnnd art zu reden/ ist dem H. Hippolyto gar gemain/ daß er durch den tag der vollendung versteht die nechste vnnd aller letzte zeit/ so vor dem Jüngsten tag vorher gehen sol.
3. Ein abtrinniger.) Im Original steht Apoftata, dardurch versteht er den Antichrift. Dann die alten Kirchenlehrer vnnd Väter halten auß etlichen coniecturis vnd anmutungen H. Göttlicher Schrift/ dafür/ daß zuvor vnd ehe der tag der vollendung kombt/ in den nechst uorgehenden zeiten/ daruor der Antichrift erscheinen/ vñ ein sonderbare gewisse person sein wird/ die sich mit aller macht wider Christum legen/ vnd seine verführung durch geschwinde falsche zeichen erweiteren werd. Daruon hernacher weiter. Daß er jhn aber ein Apoftatam nennt/ ist nicht also zuuerstehē/ als solte der Antichrift etwan erstlich dem Christlichen Glauben anhengig sein/ vnnd darnach daruon widerumb abfallen. Dann der Antichrift wird in seinem eignen Namen/ vnnd nicht im namen Christi kommen/ wie wir lesen Johannis 5. Sondern es sol verstanden werden in gemainē verstand/ daß gleich wie er Christo niemals angehangen/ also werde er auch jeder vnd alle zeit von jme abgewendt sein vnd bleiben.

4. Von

i3^r

4. Von einem fonderbaren feind.) Nemblich vō Antichrift/ Der wird von dem H. Hippolyto ein fonderbarer feind genant der Chriften/ die weil er nemblich ein fonderbare form/ weiß vñ maß zu feiner feindschaft vnd verförung brauchen wird. Dann wie der H. Auguftinus vber den 9. Pfalm fagt/ So wird fein feindschafft/ fein verfolgung vñd verförung fein nicht violenta tantum, nicht allein gewaltfam/ wie Neronis/ Domitiani/ Maximini/ Diocletiani/ vñd anderer Tyrannen verfolgungen gewesen/ die mit pein/ marter vnd mit groffer qual sich vnderftanden haben/ die Chriften von der warheit abzufchrecken/ So wird fie auch nicht allein fraudulentā, vnd ein hinderliftige feindschafft fein/ wie der falſchen Lehrer vnd Rottengeifter verförungen gemainiglich zufein pflegen/ da man mit vberzuckerter lehr den leuten das verborgen gifft begert einzutreichen/ Sondern fie wird fein baides violenta & fraudulentā persecutio, gewaltfam vñd hinderliftig mit einandern/ daß die leut darüber erfarren/ vñ nicht wiffen werden können/ ob fie folgen oder nicht folgen ſollen. Darumben fagt der H. Auguftinus daſelbſten/ daß fie die gefehrlichſte verfolgung vñd verförung fein werd/ die weil es ein halb ſüffe/ vnd halb bittere/ vñd alfo ein vermifchte verförung fein wird.
5. Zerſchmettert.) Das iſt/ mit vngeftümigkeit zur Erden geſchlagen werden/ daß fie mit ſtucken von einandern zerfallen ſollen. Dañ das vermag das Hebraiſche wörtlein Ratas.
6. Daß als dann das end da fein wird.) Verſtehe ſolches nicht de momento inſtantaneo, vom nechſten augenblick/ Dann diſer geſtalt hette das end lengſten da fein müſſen. Sonder verſtehe es nach laut der worten Chriſti/ Luce 21. da er gleicher maſſen von dē vorhergehendē zeichen redet/ ſchleuft aber darauff alfo: Wann jr/ ſpricht er/ diſe ding geſchehen ſehet/ ſo wiſt daß das Reich Gottes nahe ſey. Alfo wann diſe zeichen vorher gehen/ wil der H. Hippolytus ſagen/ ſo wird das end nicht fern fein.
7. Was für ein verenderung.) Merck dieſe wort doch wol geliebter Chriſt/ vñ halte ſie gegen der jetzwerenden zeit/ ſo wirſtu erfarē/ daß der H. Hippolytus anders nicht dann als ein rechter Prophet von derſelben geweiffagt hab/ gleichſam were er auch ſehend/ wie oben anzeigt worden/ das iſt/ als hette er diſen gegenwertigen jamer allen mit einander vor augen geſehen/ ſo deutlich redt vnd lehrt er von dem handel. Es iſt

i3^v

wol wahr/ die Welt ist je vnd allweg der bößheit vol gewesen/ aber jetztzunder ist es ja alles zum höchften kommen/ dergleichen zuuorhin niemals geschehen ist. Wer kan dann anders judizieren oder vrtheilen/ dann daß das end vnd die zeit des Widerchrifts nahe sey? Vor zeiten haben etliche vermaint/ das end werde bald nach des Herren Chriffti Himelfart erfolgen/ vnd haben deffen anlaß genommen auß der 1. Epift. Pauli zun Theffalo. da der H. Apoftel eins theils also redet/ als were der Jüngfte tag allberait schon verhanden. Das Corrigiert vnd ftrafft aber der H. Apoftel in der andern Epiftel/ vnd vermant alle Chriften/ daß sie sich deffen nicht zuuul bekümmern sollen/ dieweil der groffe tag des Herren nicht kommen werde/ es sey dann zuuorhin das kind des verderbens/ das ist/ der Antichrift/ offenbar gemacht worden/ vor wölchem man sich des Jüngften tags nicht zubeforgen hat. Darumb laßt vns/ wil der H. Hippolytus fagen/ wol achtung geben auff die vorboten/ die vorher gehen werden/ die beschreibet er nun in folgenden worten gar artig vnd fein.

8. Wie neidig vnd hällig.) Der erste vorbott vnd verkündiger des Antichrifts/ ist neid vnd haß aller menschen vnder jnen selber.
9. Wie vnfleißig die Hirten.) Der ander vorbott/ nemblich vnfleiß der geistlichen Preläten/ vnd vorsteher gegen jren armen Schäflein vnd zuhörern/ daß sie kurtz zuuor ehe der Antichrift kombt/ derfelben weder in der lehr noch im leben wenig mehr achten/ sonder vil mehr jrem eignen nutz vnd frommen ergeben/ die Schäflein schären/ wie der Prophet sagt/ vnd sich mit jrer Woll bekleiden werden. Ist heutigs tags so gemain/ daß es mehr zubewainen dann zubefchreiben ist.
10. Vngehorfam des Volcks.) Der dritte vorbott/ daß nemblich auch die zuhörer wenig nach jren geistlichē Hirten vnd Seelforgern mehr fragen/ sondern nach jres felbs eignen hertzen luft vnd gefallen dahin leben werden/ man lehr/ man sing vnd sag gleich was man wolle/ so wird es vmb sonft vnd vergebens sein/ wölches wie wahr es sich auch jetziger zeit vnder vns spüren läßt/ das bezeugt die tägliche erfahrung. Dahin gehören auch der 4. vorbott/ nemblich vngehorfam der kinder gegen jren Eltern/ der 5. verrätherey/ der 6. daß man das alter nicht mehr in ehren haben wird/ wider die außgetruckte vermanung H. Göttlicher Schrifft/ daß man die alten eben darumb lieb haben/ sie verehren/ vnd jnen nachfolgen

i4^r

folgen sol/ dieweil in jnen weißheit vnd verftand gefunden wird: Jtem/ der 7. vorbott/ daß man die jugend zu keiner Gottßforcht mehr ziehen/ fonder sie handeln vnd thun laffen wird/ was jnen selber wolgefelt/ wölches ja widerumb gar ein gemainer bott ift/ da wir bekennen müffen/ daß manche Eltern nur jr freud daran haben/ wann jre Kinder der Welt vnd des alten Adams spraach vnd gewonheit ergreifen/ fpilen/ fauffen/ huren/ Gottßletern/ 7c. Ey spricht mancher/ wie gedüncket dich/ mainft du nicht mein Son werd ein feiner Han werden. Ja freylich ein Han/ Ichaw aber du lieber Vatter zu/ daß folcher Han dir nicht ein mal am Galgen khræ: Es ift dife widerfinnige art ein gewiß zeichen des Antichrifts/ der die Kinder zumal auch den Herren Chriftum im Himel droben vber diß aller zum erfchröcklichften letern lehren wird. 11. Die Kirchen werden.) Der 8. vnnnd 9. vorbott des Antichrifts/ wölcher vns zu difen zeiten nur mehr dann vns lieb ift/ vor augen vmbgeht. Vnd ertlich was die Schrifft verachtung antrifft/ wilffen wir was wir laider derohalben heutiges tags erlebt haben. Die jenigen/ die sich für Euangelifch selber außgeben/ ob sie sich schon hin vnd wider der Schrifft gewaltigklich behümen/ fo ift doch gewiß/ daß sie/ wie die Sâw in einem schönen luftgarten/ jrem schwindelgeift nach darinn vmbwülen/ was jnen gefelt/ das behalten sie/ was jnen nicht gefelt/ das reiffen sie entweders mit gewalt herauß/ wie es dann difer gefalt ergangen ift/ dem Buch Judith/ Thobie/ Ecclesiaftico/ den Büchern Machabeer/ der Epiftel Jacobi/ die sie gar für ein ftröerin Epiftel anfencklich außgeruffen/ 7c. oder aber laffens sie schon bleiben/ fo interpretierens sie doch folches auff ein newe felbs erdichte/ vnd zuuor niemals erhörte weiß vnd mainung/ oder verfelfchens sonften/ wie sie dañ die liebe H. Bibel wol an 1400. ftellen jämmerlich corruppiert haben. Darzu achten sie der Schrifft fo wenig/ daß sie dieselbig nicht allein für kein gehaimnuß Gottes/ sondern für ein schlechte Red/ gemaine Bawren red/ erkennen wöllen/ Daher sie dann allen Layen/ ja auch den Weibern die kunft der außlegung Göttlicher heiliger Schrifft zumaffen/ ja sie achten sich auch des eußerlichen Buchftabens der Schrifft wenig/ oder gar nicht/ wie folches infonderheit auß dem gifftigen Tractetlein kan abgenommen werden/ fo die Trucker zu Wittenberg vnnnd Franckfurt öffentlich wider einander haben laffen außgehen. Wie kóndt aber jrgends ein Türck mit feinem Alcoran/ oder ein Jud mit

i4^v

mit feinem Thorah spöttlicher vmbgehn? Also auch was das Kirchen-
 ftürmen anlangt/ ligt vns Teutfchland/ Franckreich/ Braband/ En-
 gelland/ Flandern fo hell vnder augen/ daß es nicht vernaint werden
 kan/ dann daß es ja all zu grob heutiges tags ingeriffen fey. Da ift we-
 der Priefter noch Opffer mehr vnder jnen/ weder Chriffti noch feiner
 gutthaten wird mehr gedacht/ die herlichen Stifft/ Clöfter/ Gottshäu-
 fer/ darinnen man zuuorhin dem allmechtigen Gott mit preiß/ ehr vnd
 danckfagung täglich gedient hat/ da man one vnderlaß gebet/ gefungen/
 vnd andere Chrifftliche Kirchengebreuch zu Gottes ehr vnd preiß getrie-
 ben/ die man auch vor fouil 100. Jaren mit fo großem vberfchwenck-
 lichem vnkosten auffgebawt hat/ die ftehn jetzunder öd/ daß es auch ein
 fteinerin hertz erbarmen möcht: geråth es wol/ fo wifcht etwann ein fal-
 fcher Lehrer ein tag ein mal oder zwey auff die Cantzel/ fchwätzt ein
 ftündlin daher/ verfelfcht die Schrifft/ fchendt Geiftliche vnd Weltli-
 che Obrigkeit/ maint darnach es fey alles wol außgericht: Darneben fo
 wird kein Vefper/ kein Metten/ kein Ambt mehr gehalten/ man fingt kein
 Salue mehr/ man bet kein Aue Maria mehr/ man brennt kein Kertzen
 mehr/ man hat kein geweiht Saltz/ kein Ordnung/ kein Weich/ kein
 Sacrament hâußlin mehr/ wie dann folches alles in der erften Kirchen
 im gebrauch gewefen ift Summa Summarum/ es ift diefes vorbot-
 tens halber zu einer fo jämmerlichen zerrüttung kommen/ gleich wie es
 falt/ doch nicht fo gar/ zu den zeiten des heiligen Bafilij vor 1100. jaren
 auch gewefen ift/ dauon er Epift. 70. also fchreibt. Domus precatio-
 num clauiae sunt, nulla amplius Catholicorum congregatio, nul-
 lum Matutinum, vnum iam crimen est, quod vehementer punitur,
 si paternas quis traditiones diligenter obseruauerit. Gerad ein fol-
 che manier findt man auch vnder den falchgenandten Euangelifchen/
 da man nicht allein die Kirchen gar zugefchlossen/ fondern zu Roßmü-
 len/ Kholhütten/ Weinfiedlen vnd Roßftällen gemacht hat/ derowe-
 gen die armen verlaßnen Chriften derer örter wol ruffen/ vnd mit Da-
 uid weheklagen können/ Pfalm >8. Herr Gott die vnglaubigen feyn in
 dein erb gefallen/ deinen H. Tempel haben fie zerftört/ Hierufalem
 haben fie zu einer Epffelhütten gemacht/ 7c. Jft folches nicht ein außge-
 mufterter/ außgepallierter vortrab des nechftkönnftigen Antichrifts/ fo
 kom einer vnd fag was es fonft fey? Freylich ift es der erfchröckliche ab-
 fall/ von dem Paulus fchreibt/ 2. Thef. 2. daß er vor des Antichrifts zu-
 kunfft gefchehen fol.

Fal

k1^r

12. Falfche Lehrer.) Der 10. vorbott/ wólcher auch wol geftaffiert ift/ daß zu keiner zeiten in der Welt mehr leutbetrüger vnd falfche Apofteln gefunden worden fein/ dann eben jetziger zeit. Solche befchreibt der H. Hippolytus auß der Schrifft/ fonderlich aber auß der 2. Epiftel S. Peters vnd Jude. Apoftel aber nent er fie/ dieweil fie vom laidigen Teuffel zum vnfall vnd verführung der menfchen gefchickt werden.

13. Die Münch.) Der 11. vorbott/ nemblich der Geiftlichen Münch vñ Ordensleut vnerfettlicher geitz. Wólcher ja (die warheit zu fagen/ jetziger zeit auch mehr dann zu offenbar gemacht worden ift. Merck aber daß der H. Hippolytus auch von München hat wiffen zu fagen zu feiner zeit/ derowegen es falch ift/ daß die Religions feind heut fúrgeben/ es feyen die Münch erft 500. Jar nach Chrifti geburt auffkommen/ fo fie doch gar auß dem alten Teftament in das New vrprünglich hergefloffen fein. Darauff folgt der 12. vorbott/ nemblich vnbarhertzigkeit der Reichen gegen dē armen/ daß fie allewegen müffen hinder der thür ftehn. Jtem der 13. vorbott/ hártigkeit oder vnfreundlichkeit der hohen Potentaten gegen jren vnderthonen/ daß die fchatzungen/ die zinß vnnd zöll zum höchften vberftaigert/ vnd jnen auch jr brot vorm maul abgefchnitten werden fol. Jft heut auch fehr gemain/ dermallen/ daß folche vnmildigkeit der hohen háupter fchier von dem armen Mann nicht mehr gedult werden kan/ vnd gewißlich Gottes zukunfft von hohen Himel erregen wird.

14. Das Recht vom gerechten.) Der 14. vorbott/ nemblich vnderdrückung der gerechtigkeit. Iuftum iufti auferent, fagt der H. Hippolytus/ Sie werden das gerecht Recht wegnemen oder auffheben. Jft gar fein gefagt/ daher das gemain Sprichwort vnder vns vrprünglich herfleuft/ das Rechte Recht/ das ift das/ daß da nit anihet/ weder gunft noch gaben/ freundschaft/ noch ainigen eufferlichen Nutz. Das vnrecht Recht aber richtet nach gaben/ nach gunft/ vnd nach eines aigen frommen/ es helt das fúr Recht/ das in der warheit vnrecht ift. Darumb fo ift zweierley Recht in der Welt/ das Recht vnd das vngerecht Recht. Gottes Recht ift durchauß ein gerechtes Recht/ darumb wird es genant/ virga rectitudinis, virga regni tui, das ift/ der Scepter deines Reichs ift ein Scepter der gerechtigkeit. Das vngerecht Recht wird aber am gemainften fein zur zeit des Antichrifts/ das wird Gott mit feiner zukunfft auffheben/ der witwen vnd waifen not erhören/ vnd fie dauon genedigklich erretten.

k1^v

15. Erdbidem.) Der 15. vorbott/ nemblich von wunderbarlicher mutation vnd verenderung der natur/ der öbriften Cörper vnd der Erden/ wólche mit folcher jrer verenderung vnd angenommen trawrigkeit den nun mehr vorftehenden Antichrift/ vnnd das end der Welt/ gewißlich verkünden. Was difer vorbott nun mehr ein lange zeit mit finfternuffen/ baiden liechter/ mit böfen Affecten/ mit verenderungen der zeit/ mit neuen vngewöhnlichen Cometen vnnd Sternen/ mit reiff/ fchaur/ vngewitter/ vnd andern dergleichen zeichen außgerüffen/ das wiffen wir wol/ vnd sehens noch täglich auch vor augen: darauß dann noch ein mal anders nichts/ dann nach mainung des heiligen Hippolyti/ die zukunfft des widerchripts verhoffet werden sol?

16. Die sich für Chriftum.) Der 16. vorbott/ daß sich etliche Prediger für Chriftum/ oder für feine Difcipel vnnd Heiligen außthun/ die jnen felbs die namen verkehren werden/ damit fie defto better ander leut betriegen mögen. Also hat vor zeiten Manes genant werden müffen Mannicheus, das ift einer der das wahr Himelbrot vnder die leut geuft vnd außtheilt. Also auch Luther/ da er feinem herkommen nach Loder hieß/ wie er sich von anfang deffelben Namens nicht gefchembt/ hat er sich hernacher bald Luther gefchriben/ die einfeltigen darmit zubetriegem/ als wår fein lehr lauter gut köftlich ding. Etliche haben jn genant den drittē Heliā/ etliche ein folchē lehrer/ dergleichē die Chriftlich Kirch seit Pauli zeiten nit gehabt hab/ vnnd ift doch folches im grund nichts gewefen/ Sondern allein darumb angefehen worden/ daß man glaubet er wår das/ das er gern fein wolt/ da ers doch nicht war. Dergleichen Metaphifische tittel findt man in den kleinen büchlein ein hauffen/ das Joachim Mörilin von den Schrifften D. Martin Luthers hat inn Truck geben/ darinnen der arm menfch durchauß vergottet wird. Caluinum nent Beza ein freund Gottes/ vnd in gemain nennen fie sich alle fambt vnd fonders diener Chrifti/ nicht daß fie es feyen/ fonder daß fie vnder folchem fchönen Namen vnd Tittel den leuten jr fchädliche vergiffte lehr defto subtiler infillieren vnnd eingieffen mögen. Aber/ fehet/ fpricht Chriftus/ daß euch niemands verfüre.

17. Der Son des verderbens.) Verftehe den Antichrift/ nicht wie der H. Hippolytus hieon fein fonderbare mainung hat/ den Teuffel. Dann der Antichrift wird ein Menfch fein vnd kein Teuffel/ ob er fchon wol vom Teuffel befeffen vnd regiert wird werden: Aber hieon wóllen wir in einē folgendem Scholio weiter erinnerung thun. 18. Petrus

k2^r

18. Petrus der Fürft.) Merck wie herrlich der H. Hippolytus von S. Peter gelehrt vnd gefchriben habe. Nemblich hat er vor 1300. Jaren jm die Superioritet vber die andern Apoftel erkant/ hat jn gehalten für ein Fürften vnd haupt der Apoftel/ für ein felten vnd fundament des Glaubens/ für den/ der die schlüffel zum Himel infonderheit vnd vor andern empfangen hab. Dem halte/ lehr vnd glaube du frommer Chrift nach/ vnd hüte dich vor der Ketzer lefterung wider Petrum.

19. Vil Antichriften.) Verftehe in gemain. Dann Antichrift haift fouil als Chrifto entgegen vnd zuwider/ Derowegen fo mag man Antichriften nennen alle die/ die wider Chriftum fein/ vnd Chriftum vnd fein Kirch nicht erkennen: Jtem die/ die mit iren fünden wider Chriftum handeln/ mögen auch Antichriften genant werden. Aber gleich wie Chriftus ein haupt ift aller frommen/ alfo werden folche falche Chriften/ die vnbußfertigen zu dem end der Welt auch ein haubt haben/ wölches Chrifto in allem zum widerwertigften fein wird/ in maffen es nicht möchte ärger erdacht werden. Derhalben jme difer Nam Antichrift infonderheit gebüren wird/ nach dem er inn der Schrifft befchrieben worden ift.

20. Alexander in vier theil getheilt.) Wiewol Alexander von anfang ein gar glückfeliger vnd großmechtiger Fürft gewefen/ fo lang er fich der Tugend befliffen/ fo hat fich doch das glück hernacher/ vnd zwar gar bald geendet/ nach dem Alexander auch seine fitten begert zuerwechßlen/ alfo daß er in gar kleinem alter/ nemblich im 33. Jar geftorben ift. Nu war es nicht wol möglich daß fride bleiben solt in der Welt/ dieweil fie kein gewiß haubt mehr het/ darumb vnd ob fich schon wol der Tyrann vnd auffrhûrer Perdicas ernftlich zum Reich einrang/ fo fchickt es doch Gott alfo an/ daß das schöne Reich Alexandri in 4. vnderfchiedtliche theil zertheilt werden muft/ Seleuco ward zutheil Syria/ Ptolomeo ward zutheil Aegyptus/ Antigono Asia/ vnd Conftandeo Macedonia vnd Grecia. Das bedeut nu im Propheten Daniel der Bock/ vnd im Bock difer großmechtige Fürft Alexander. Dann demfelben Bock felbt hinweg fein ainig horn/ vnd werden darauß vil hörner: das leget der Engel dafelbften felber alfo auß/ daß nach Alexandri Reich 4. Reich werden follen. Vnd dahin fihet der H. Hippolytus.

21. Vber die gantze welt herrfchen.) Das ift gewefen ongefehrlich vnder dē Keyfer Traiano/ zu wölchs zeiten das Römifch Reich am mechtigstē

k ij vnd

k2^v

vnd weitiften gewefen ift. Dife vnderfchiedliche Monarchias erzehlt der H. Hippolytus fürnemblich vmb difer vrfachen willen/ damit anzuzügē/ daß er nicht in gemain von Antichriften/ fondern von dem Antichrift/ der in dem eifern Römifchen Reich vnder dem jrdin vnnd eifern fuß/ das ift/ wann das Römifch Reich nicht mehr fo bey einander/ wie etwann/ fonder zertheilt ift/ kommen/ vnnd fein verfolgung anheben werd/ fchreiben thu.

22. Der gefandt fol werden.) Gene. 49. Steht das wörtlin Siloh/ das haift bißweilen einen frifchen dapffern helden/ der es getroft hinein fetzt. Aber die Chriftlich Kirch lißt es nach art der alten Tranßlation/ darumb ich es auch alfo allhie hab teutfchen wöllen/ anzuzzeigen den/ der gefandt werden fol/ verftehe zu erlöfung der Welt/ wie dann auch die alten Rabbini difes billicher/ die hie bey difem recht verftanden haben/ den wahrē Meffias/ in maffen er nicht allein an difem ort/ fonder fonften auch verkündigt worden ift.

23. Auß dem Stammen Dan.) Hierin befchreibt der H. Hippolytus die ankunfft des Antichrifts/ von wölcher die lieben heiligen Vätter bezeugen/ daß fie in Babylonien auß dem geflecht oder Stammen Dan befchehen fol vnd werde. Dann zu gleicher weiß wie Chriftus auß dem herlichften vnd fürnembften ftamē herkombt/ nemlich auß dē ftamē Juda/ Alfo fol der Antichrift fein vrfprung nemen auß dem geringften vn̄ verachtiften ftammen Dan/ damit er ja bald von anfang/ vnd von dem tag feiner ankunfft an biß auff fein abfchied vnnd außtilgung/ für ein warhafften widerchrift gehalten werden mög. Wann aber oder auff wölche gewiffe zeit er geboren werden fol/ das lefen wir niergends in der Schrift. Aber nach mainung der H. Lehrer fein infonderheit vier zeichen/ dabey man fein zukunfft vermercken mag. Das erfte zeichen ift der abfall vom Römifchen Reich. Das ander der abfall etlicher Kirchen von dem gehorfam der heiligen Römifchen Kirchen. Das dritt der abfall der menfchen vom Catholifchen Glauben. Vnnd dife drey zeichen befchreibt der heilig Apoftel Paulus 2. Thef. 2. vnd 1. Tim. 4. Darvon mag vnd fol der Chriftliche Lefer fleißig befehē das fchöne doch vnuolgende buch Herrn Friderici Staphili feliger/ vom letzten abfall. Das vierd zeichen aber ift vberfluß der Sünden/ daß der Antichrift als dann kommen werde/ wann alle lafter auffs höchft geftiegen vnnd kemmen fein. Dan. 8. Matth. 24. Dieweil nun dife zeichen je fo deutlich vns vor
augen

k3^r

augen vmbgehn/ daß sie eigentlicher nicht köndten abgemalt werden/
 so ist folches ein groffe vermutung/ daß dieselben vngluckfelige zeiten
 laider auff vns geerbt sein/ oder doch noch bey vnferm leben erben sol-
 len vnd werden. Dauon befihe das 26. Scholion.

24. Gleichförmig.) Das ist/ der Antichrift wird Chrifto nichts wöl-
 len nachgeben/ er wird jm keiner ehren nicht vergönnen/ sondern jm be-
 gern dieselbig vor den Menfchen abzufchneiden/ vndd jhme selber zu zu-
 meffen.

25. Lebendigmachends Creutz.) Merck wie herlich der H. Hippoly-
 tus das heilig Creutz gehalten hab. Er neuts preciofam & viuificatri-
 cem crucem, ein koftbarlich vnd lebendigmachends Creutz/ vñ spricht/
 daß es das zeichen sey dabey man Chrifti des Herrn Diener von den
 Dienern des Antichrifts ablöndern könne. Darumb hüte dich frommer
 Chrift vor denen/ die da fagen dörfen/ das heilig Creutz hab nicht mehr
 krafft/ dann wann einer mit eim finger ein Circkel in die lufft machet/
 wie die Brentianer zu Tübingen: deßgleichen auch vor denen/ die dem
 Creutz Chrifti so feind sein/ daß sie es allenthalb/ wa sie es nur zuwegen
 bringen/ vmbreiffen/ vnd außtilgen/ wie die Caluiniften vnd Zwinglia-
 ner. Vor 1300. Jaren habens die Chriften für ein koftbarlichs ding ge-
 halten/ sie habens für ein zeichen Chrifti gehalten/ wie du allhie vom
 H. Hippolyto höreft/ darumb es ein alte gewonheit ist vmb die ehr des
 H. Creutzes/ daß fromme Chriften sich damit wider alle anfechtungen
 bezeichnen haben.

26. Zweyerley zukunfft Chrifti.) Nemblich in das fleifch vnd zum ge-
 richt. Von der zukunfft in das fleifch/ wiffen alle Chriftglaubige nun
 mehr gar wol/ daß dieselb vor 1582. Jaren warhaftig beschehen sey.
 Aber der andern zukunfft/ wil Hippolytus fagen/ sol man sich als dann
 erft/ wann Enoch vnd Elias erfchienen sein vnd gepredigt haben/ ai-
 gentlich verfehen. Von folcher andern zukunfft müffen wir ein we-
 nig etwas weiters handeln/ vnd folches zu befferm verftand des heiligen
 Hippolyti.

Zu vnfern letzten zeiten haben jren etliche mancherley feltzame
 vermutungen befchriben/ wann der Jüngfte tag kommen werd. Vn-
 der vns Catholifchen hat es etliche gehabt die in genere dauon geur-
 theilt haben/ vnd deren vermutuug oder vrtheil gleich wie sie H. schrift
 nicht zu wider/ also feind sie noch nicht zu jrem zil vnd end gerathen oder

k3^v

kommen. Bey andern aber hat mans etwas gröber angriffen. Ofiander in feinem Büchlin de fine mundi schreibt/ Wann die donatio Conftantini wahr sey/ fo werde der Jüngft tag vnnd der Welt end kommen vber ein Jar/ nemblich wann man zelt 1576. Das were ja kurtz genug. Aber dieweil jme ernante donation etwas zweiffelhafftigs fein wil/ fo schleuft er etwas weiters/ vnd ernent das 1672. Jar/ tum imperdebit, spricht er/ Papæ & Romæ, & toti mundo fatalis interitus, da wird alles vber ein hauffen fallen/ zu grund vnd zu boden gehn.

Vor jm hat ein Müller zu Wittenberg den Jüngften tag gelegt vnd gewiß verkündigt auff den 27. Septem. im 33. Jar/ mit fo großem eiffer/ daß vil boursleut jre äcker vnd güter vngebawt gelaffen/ vnd sich also zur hinfart gerüft haben.

Michael Stifel hat den Jüngften tag verordnet das 33. Jar/ den 10. Monat/ die 42. Wochen/ den Montag vnd die 8. stund deffelben tags/ da werde der Jüngft tag gewiß vorhanden fein. Vnd solche fantasten hat es vnder jnen mehr gegeben.

Gleich wie es aber baydes dem Müller vnd dem Stifel gefehlt/ also wird es auch dem Ofiander fâlen/ dieweil er von Gott keinen befelch hat/ der Welt auff ein so gewiffe zeit Chriffti des Herrn zukunfft zuuerkünden/ es wöll dann einem etwann vor difem >6. Jar fein Jüngfter tag kommen/ das stehet als dann in Gottes hand/ der einem jeden durch fein leiblichen todt fein Jüngften tag am aller besten weiß zuuerordnen. Aber daß man so præcise, so genaw/ vnd eben den tag vnnd das Jar wissen sol/ des ends diser Welt/ das ist vber diß/ daß es für sich felbs vn glaublich scheinet/ heiliger Göttlichen Schrifft gar entgegen. Es ist nicht ewers dings/ spricht Chrifftus der Herr zun Apofteln/ daß jr wissen solt/ wann solches geschehen werde. Vnd bey dem Euangelisten Luca sagt Chrifftus/ daß die lieben H. Engel/ ja er selber nicht von solchem tag wissen. Vnd Paulus 1. Thef. 5. Von der stund/ spricht er/ ist nicht von nöten euch etwas zuschreiben/ Dann der tag des Herren wird kommen wie ein dieb in der nacht. Wer wolte dann glauben das Stifel/ oder ein Müller/ oder Ofiander so aigentlichen in dem Rath Gottes gefelien fein/ vnd difes gehaimnuß erfahren solten.

Aber von der zeit beyleufflich zu vrtheilen/ das ist nicht verboten/ Allein daß man/ wie Paulus sagt/ mit der maß/ vnd nicht gar zuuul geſcheud sey: Dann ob schon wol Chrifftus sagt/ der tag vnd die stund sey allein

k4^r

allein dem allmechtigen Gott bewiſt/ So mag doch ein Chriſt wol auff die zeit achtung geben/ da ſichs alfo anleſt/ als folte das end da ſein/ in maſſen dann der Herr Chriſtus auch allein von dem tag vnd von der ftund/ aber nicht von der beyleuffigen zeit geredt hat. Ja er vermant vns vil mehr zu einer folchen nüchtern betrachtung der zeit/ mit dem gleichnuß von dem Feigenbawm: Lernē/ ſpricht er/ vom Feigenbawm/ wann jetzund die åft zart ſein/ vnnd anſehen außzuchlagen/ ſo wiſt jr daß der Sommer als dann nahe ſey. Alfo auch/ wann jr diſes alles ſehet geſchehen/ ſo wiſt daß das Reich Gottes nahe iſt. Darumb es keinem nicht für vnbillich geacht auch außgelegt werden ſol/ der zu gemainer auffbawung vnd befferung etwas hieuo begert ander leut zuerinnern/ nicht auß aignem gutgeduncken/ ſondern auß denen zeichen die jedermeniglich vor augen ligen.

Difem verftand nun nach zureden bin ich der mainung/ daß das end der Welt nit ferrn ſey/ dieweil aber das end nicht kommen ſol/ wie Paulus ſagt/ biß der Antichriſt offenbar gemacht worden iſt/ So ſag ich ferner/ daß diſes Antichriſts zeit vns am aller nechſten/ vnnd zwar gar vor der thür ſey. Vnd folches vmb difer vrfachen willen.

Ertlich/ dieweil die vorbotten oder vorleuffer allberait/ vnnd zwar vor einer guten zeit ſchon vorhanden ſein/ nicht die vorbotten allein/ dauon der H. Hippolytus/ wie kurtz zuuor verzeichnet worden/ handelt/ ſondern die/ die jm ſein Reich ſelbs anrichten helffen. Der Antichriſt wird Chriſti des Herren widerfächer ſein/ wie man weißagt: vnd doch wie ein Aff Chriſto dem Herren vil begern nachzuthun. Derowegen vnd gleich wie Chriſtus der Herr ſeine vorbotten gehabt/ alfo hat ſeine vorbotten auch der Antichriſt. Vnd gleich wie Chriſtus bald auff die vorbotten gefolgt/ ja allberait ſchon da gewefen/ da Joannes angefangen zu predigen/ alfo iſt kein zweiffel/ daß auch der Widerchriſt auff ein ſo groſſe menige ſeiner vorlauffer bald da ſein wird dann vns lieb iſt. Fragt einer wabey man die vorbotten des Antichriſts erkennen möge? dem gib ich zur antwort/ daß folches nicht beſſers geſchehen könn/ dann bey der lehr vnnd dem leben/ das der vorlauffer Chriſti lehr vnnd leben ex diametro zu wider iſt. Dann wie der Antichriſt wider Chriſtum ſein wird/ alfo müſſen die vorlauffer des Antichriſts dem vorlauffer Chriſti auch zuwider ſein/ damit Maifter vnnd Jünger/ Herr vnnd Knecht/ inn jrer boßheit vberein ſtimmen.

Deſ

k4^v

Derowegen vnd wa man folche leut findt/ die anders lehren vnd anders leben dann der vorlaufer Chrifti Johannes gelehrt oder gelebt hat/ da mag man licherlich vrtheilen/ daß diefelbigen lautter vorbotten feyen des laidigen Antichrifts.

So neme nun einer für fich die leut die zu difen vnfern letzten zeiten die Welt betrübt haben/ vnd noch täglich betrüben: Als zu einem Exempel nem einer für fich den Sächfifchen falchgenandten Euangeliften/ fo wird man befinden/ daß eben er vnnd fein nachfolger die feinden man anders nichts dann den vorlauff des Antichrifts zufchreiben fol/ eben vmb dife vrfachen willen/ dieweil fie fich baydes in lehr vnd leben anders nicht verhalten/ dann als weren fie vom Antichrift mit gelt dazu bedingt worden/ daß fie dem vorlaufer Chrifti Joanni folten entgegen fein. Als wie?

Der H. Johannes der Tauffer hat fich bald in feiner jugend dife Welt abgethan/ ift bald darauff in die Wüften gangen/ darinnen fein wohnung gehabt/ hat die buß hefftig getrieben/ 7c. Dife leut aber/ fonderlich aber jr höchstes haupt/ hat fich hergegen auß der wülte auff alle Luder/ das ift/ auff allerhand Weltliche vppigkeit begeben: ift auß feinem Clofter gefprungen/ hat Gott den aid brochen/ den er jm baydes in der H. Tauff/ vnd in feiner Ordensprofellion gethan/ ja er hat auch andere mehr zu folcher maineidigkeit vermocht vn gebracht/ hat fleifchliche licherheit gelehrt/ die buß eins groffen theils verworffen/ die guten werck für vndüchtig außgefchryen.

Der H. Joannes hat die Beicht gelehrt/ dife haben fie abgethan: Joannes hat mit feinem zeugknuß Chriftum verehrt/ dife haben feinen Vicarium vnd Stathalter auff aller bitterft nicht allein angetaft/ fondern auch gar verdambt: Joannes ift keufch vnnd heilig gewefen/ dife haben alle keufcheit auffgehebt/ vnd jr vnraine begierden zumal auch mit geiftlichen vnd Gott verprochenen Clofterjungfrawen büffen dürfen: Joannes hat Herodem feiner hurerey halben geftrafft/ dife halten dem ehebruch offentlichen fchutz vnd fchirm: Joannes hat gelehrt Chriftus hab die fünd warhaftig zerftört/ dife lehren es gefchehe nur vermainer weiß/ imputatione quadam. Johannes ift beftendig gewefen/ vnd hat fich der demut zum höchften befleißten/ dife fein vnbeftendig/ lehren heut das/ morgen ein anders/ fein fonften auch im Geift fo hoffertig/ daß fie folches allen alten Sectirern weit beuor thun: Joannes hat

|1^r

hat ein end gemacht des alten Gefatz/ dife aber haben vns das newe Gefatz jämerlich verfelcht/ daß alfo fchier kein ftuck nicht ift/ darin dife newgefallene lehrer dem H. Joanni nicht entgegen vnd zu wider wãren. Vnd keiner nicht zweiflen fol/ dann zu gleicher weiß/ wie Joannes mit feinem finger vns das lamb Gottes Chriftrum gezeit/ alfo werde vns von diefen leuten gleichfam mit außgereckten armben der laidige Antichrift auch gewiefen/ daß er nun mehr vor der thür/ vnnd gar bald fein Tyranny vnder vns anfahren werde.

Zum andern/ fo ift die abundantia peccatorum auch fchon vorhanden/ in wólcher dann der Antichrift geboren werden fol. Im Geiftlichen vnd Weltlichen Regiment geht es zu wie man ficht/ der ftand der vnderthanen ift auffs höchft corrumpt/ vberal keinem kein fünd vnd vbel zu groß/ daß er nicht frifch/ frey/ vnnd vnuerzagt wagen dörrft: Vnd folches alles geht weit höher im fchwang/ dann es zuuor jemals gewefen/ ja der dife zeiten mit den verfhienen comparieren vnnd vergleichen wil/ der wird befinden/ daß es lauter fchertz dazumal gewefen/ gegen den groffen miffethaten/ die jetzunder begangen werden. Darauß fchleuft nun Chriftus felbs/ Matth. 24. Gleich/ fpricht er/ wie zur zeit Noe/ alfo wird auch fein die zukunft des menfchen Son/ dan gleich wie fie waren/ in den tãgen vor der fündfluß/ effend/ trinckend/ freyend/ vnd fie wuften nicht biß der fündfluß kam/ vnnd nam fie all dahin/ alfo wird auch fein die ander zukunfft.

Zum dritten/ fo ift der groffe abfall auch fchon da/ dauon oben im 11. Scholio genugfam ift gefagt worden. Paulus zwar helt denfelben abfall für ein gewiß zeichen/ alfo daß wann man ficht/ daß die welt vom Glauben abfelt/ vnd ein jedweder jme felbs anfacht glauben zu erdichten/ fo mög man als dann von den letzten zeiten gewißlich judizieren vnd vrtheilen. Dieweil nun difer abfall fo groß/ daß laider das wort Chriffti Luce 18. Cap. nur gar zu wahr ift/ da er fagt/ Mainftu wann des Menfchen Son kommen wird/ daß er auch werde glauben finden auff Erden? Was wil oder kan man fich dann anders verfehen dann der zukunfft des Antichrifts/ wólcher den vnglauben/ der fich jetzunder fehen laßt/ aller erft recht anrichten vnd gleichfam außpallieren wird?

Zum vierdten/ fo ift gewiß/ daß die Welt nun mehr auff die hõffen kommen/ fonderlich aber das Rõmifche Reich. Der Babylonier/ der Perfen vnd Griechen Reich fein lengften dahin/ das Rõmifche

|1^v

Reich kläbert noch ein wenig/ vnd ift/ wann mans gegen der vergang-
nen zeit halten wil/ kaum einer hand brait/ ift gleich wie ein ainig äpfel-
lein/ das am baum ein wenig hangen bleibt/ hat wenig anfehen mehr/
kein gehorfam mehr/ daß es sich anfehen laft es werde bald gar dahin
fallen. Diweil nu Daniel die welt allein in dife vier Reich eingefchlo-
fen/ fo ift vermutfam/ daß sich zufambt dem Römifchen Reich zumal
auch die Welt zum end naige/ vnnd auff den Antichrift deutete/ der das
Reich gar zu boden ftossen vnd vmbkehren wird. Vnd das defto mehr/
diweil Daniels weiffagung nach/ zu end des Römifchen Reichs/ noch
ein greulich Nebenreich auffkommen fol/ wölches wir allberait auch
fchon erlebt haben/ nemblich das Türckifch Reich/ wölches ein newes
gefatz wider Gottes wort auffricht/ vnnd in kurtzer zeit dem Römifchen
Reich fein gewalt vnnd macht hefftig gefchwecht/ vnnd noch weiters
fchwechen wird/ wie Ezechiel verkündigt/ nach wölcher vollkommenen
fchwechung das kind des verderbens hernacher kommen/ vnd den nech-
ften jamer anheben wird.

Zum fünfften fo haben wir nun mehr auch die vollendung des
Spruchs Elie vom end der Welt/ den die Jüden für ein gewisse Pro-
phecy erkent vnd halten. In jrem Sanhedrin vnd Aboda zara ftehet
alfo: Auß Elie Schul haben wir empfangen/ daß die Welt 6000. Jar
ftehn werde. 2000. Jar lår/ 2000. das gefatz/ vnd 2000. die tåg Chrif-
ti. Dann gleich wie der H. Petrus fchreibt/ daß vor Gottes angeficht tau-
fent Jar fein gleich wie ein tag/ Alfo ift es gar vermutfam/ daß gleich
wie Gott in fechs tagen die welt erfchaffen/ alfo werde er diefelbig auch
als ein zerftörliche welt lenger nicht dann 6000. Jar regieren. Nun fein
wir jetzunder in den 2000. letzten Jaren/ vnd daran allberait fchon ver-
gangen 1581. Jar/ darumb vnd wann die 2000. Jar folten gar ergantz
werden/ fo hette die Welt noch zufftehn 419. Jar. Diweil aber Chri-
ftus felbs fagt/ es werden die tåg verkürtzt werden/ vmb der außerwöl-
ten willē/ diweil fonft niemands felig wurde/ fo ift gewiß daß dife 419.
Jar nicht gar vollendet werden/ fonder innerhalb denfelben Chrif-
tus zum gericht kommen/ vnd die Welt zu grund enden fol. Vnd gleich wie
im Gefatz der 6. tag nicht gar zur arbeit erlaubt/ fondern der letzte theil
delfelben dem 7. tag/ das ift dem Sabbath zugeaignet wird/ Alfo wer-
den auch die letzten 1000. Jar nicht gar vollkommen erraicht/ fondern
verkürtzt/ vnd alfo dem geiftlichen Sabbath/ das ift dem ewigen vnd fe-
ligen

I2^r

ligen leben zugelegt werden. Darauß abzunemen/ daß vermutfamlicher weiß daruon zureden/ in dem 600. Jar difes fechften millenarij, Chri^{stus} der Herr mit dem end der Welt zuschlagen werde.

Die weil aber vor feiner andern zukunfft sich zuuor der wider^{chri}st fehen laffen muß/ wie zuuor gefagt worden/ möchte einer fragen/ wann dann beyleuflich derfelbig sich fehen laffen möchte. Darauff sag ich/ daß niemand nichts gewiß daruon wiffen könn. Aber daruon zuer^{ach}ten/ hat mich allezeit das 88. Jar hefftig bewögt zuglauben/ daß ein newer falcher Prophet auff daffelbig herfür kommen werd/ viler vr^{fa}chen halben die ex fundamentis Astrologicis genommen/ Aber all^{hie} zuerzelen vnnoth fein. Zwar die profectio annua die circuliert in nonam domum religionis die fürnehmften significationes sectarum, So endet sich in denfelben der trigonus aqueus, vnnd wird dennoch nicht weniger ein neue mutation mit sich bringen/ dann andere trigoni auch gethan/ wann sie sich geendet haben. Vil fürnemer leut haben von alters her von demselben Jar geweiffagt. Die zu vnfern zeiten gelebt/ haben auch jre sonderbare vermutungen darauff/ gleichwol sie dieselben in jren schriffen nur mit verblümbten worten andeuten/ vnd ift noch ein alts Prognosticon vorhanden/ von demselben Jar/ wölches also laut:

1588. Das ift das Jar das ich betracht/ Geht darinn die Welt nicht vnder/ So geschicht doch sonft groß mercklichs wunder.

Was köndte aber mächtigers geschehen/ dann wann das kind des verderbens in demselbē Jar auff die Welt kām: Jch wil nichts vrthei^{len}/ Aber bey mir ift kein zweiffel/ es werde vns ernants Jar ein feltzam vngehewr monftrum nouæ cuiusdam religionis herfür bringen. Dañ gleich wie Chri^{stus} fein sonderbarn Stern zur anzeigung feiner aller^{heil}igften geburt gehabt hat/ also wird one zweiffel des Antichrists zukunfft durchs gestirn auch bedeut/ Aber auch ein vnglückfeligs gestirn/ eben wie der concursus planetarum in nona domo auch inn Luther^s Natiuitet ein anzeigung gewesen ift/ daß er in Religione vil verendern/ vnd dem rechten Glauben gewalt anthun würde.

Wann dann der Antichrist auff diß 88. Jar geboren wurde/ fo möchte man sich beyleuflich der welt end wol erkündigen können/ Dann der Antichrist wird im 34. Jar feines alters anfahen zupredigen/ wie die Lehrer schreiben/ vñ die grauffame verfolgung in feiner lehr vñ feinē lebē treiben in die vierdhalb jar/ Darauß folget/ daß man sich vmb das Jar

I2^v

Chrifti 1625. oder 26. der andern zukunfft des Herren zuu ertröften heten. Aber ich decidier nichts/ wie vorhin vermelt worden/ hab allein diefe Vermutungen zu beffer erklerung des H. Hippolyti wöllen beybringen. Vlleicht wird mir anlaß gegeben/ daß ich folche coniecturas auff's papier bringe/ vnd weitleuffiger außfüre/ So bin ich für mich felbs folches aber lobriè zu thun genaigt vnd willig.

27. Von Joanne Theologo.) Das ift von dem H. Euangeliften Joanne. Lie aber folches mit befcheidenheit. Dann wie du hörft/ fo hat der H. Hippolytus etlicher mainung allhie an jm/ daß Joannes widerumb kommen/ vnd zufambt Enoch vnd Elia vor dem jüngften gericht predigen fol: Enoch fagt Abbt Joachim auß Georgio Trapezuntio muß zeugnuß geben auß dem Gefatz der Natur/ Elias auß dem gefchribnen Gefatz/ Joannes aber auß dem Newen Gefatz des heiligen Euangelij. Aber gleich wie diefe mainung vlleicht nit falch/ Alfo ift es ficherer bey dem zu bleiben/ das Joannes selber fagt/ Apo. 11. vnd fonften auch in der Schrift hin vnd wider vermelt wird/ wie allein jrer zwen Enoch nemlich vnd Elias predigen/ vnd die Menfchen wider den grim des Antichrifts tröften follten. Es war ja dem H. Joanni kein geringes laid nicht/ wann er ein fo lange zeit der herlicheit vnd freuden des ewigen vnd feligen lebens entbären/ vnd allererft in der verfolgung des Antichrifts fo jämmerlich getödt vnd hingericht werden folt/ da er doch der liebste Jünger ift feines Herren vnd Maifters Chrifti. Darumb fag ich bleibt man ficherer bey dem das Joannes felbs bezeugt hat.

28. Von dem Teuffel.) Verftehe den Antichrift/ den pflegt der H. Hippolytus feiner priuat mainung alfo zunennen/ da er doch kein Teuffel/ fonder ein Menfch fein würd. Befihe das folgend Scholion.

29. Vnder einem falchen wan.) Da muß der Chriftlich Lefer insonderheit wol auffmercken/ daß er nicht jrre. Dann von auffen laßt fichs anfehen/ als wäre der heilig Hippolytus der mainung/ gleichfam folte der Antichrift kein Menfch/ fonder nur ein Geift vnd Teuffel fein. Das ift aber der lehre des H. Apoftels Pauli zuwider/ da er den Antichrift 2. Theffa. 2. nent hominem peccati. einen Menfchen/ der der fünd aigenthumb ift/ derowegen er warhaftig ein Menfch fein aber doch vom laidigen Teuffel dermalfen regiert werden wird/ daß er alle fein klugheit/ ja fein wesen felbs/ alfo zu reden/ jme communicieren vnd einfließen wird. Ich für mein perfon aber fihe fouil daß der H. Hippolytus

fol

13^r

folches für kein artickel des Glaubens gehalten/ sondern etwann hierauß
folches vermaint hab/ dieweil er nicht glauben mögen/ daß so vilfeltige
vnd grauffame boßheit in einen pur lautern Menſchen gerathen möcht.
Darumb ſpricht er/ hanc (opinor) ſubſtantiam phantaſticam affu-
met: ſetzt alfo die ſach in ein zweiffel/ mit dem wörtlin opinor, wölches
er gewißlich nicht wurde gebraucht haben/ wann er diß warhafftig alfo
geglaubt het.

Jhme ſey aber wie es wöll/ ſo ſehen wir dannocher auß dieſer
mainung Hippolyti/ was er vom Antichrift gehalten/ nemblich daß ſol-
cher nicht der Pabſt zu Rom/ ſonder ein andere perſon ſein werde. Da
dann denjenigen ein ſtarcker ſtoß gegeben wird/ die heutiges tags auß
erſchröcklichen gefaßtem haß vnnnd neid dieſen Statthalter des Herren
Chrifti für dieſes kind des verderben/ vnnnd für den Antichriften vnuer-
ſchambter weiß außruffen dörfen. Solcher leſterung ſein alle jre ſchriſt-
ten vol/ alle jre predigen werden das maifte theil darmit zugebracht.
Was aber darauff gehört/ wann recht für recht gieng jetziger zeit/ das
werden die wol wiſſen/ die in den alten conſtitutionibus der Keyſer be-
lehen ſein. Ach lieber Gott/ wie herlich vnd gewaltig ding/ wie fürtreffli-
che Priuilegia/ ehr vnd gehorfam haben die lieben alten Vätter dieſem
Statthalter Chrifti in jrem leben widerfahren laſſen: wie hoch haben ſie
ine doch in jren Schriſtten hin vnd wider gepriefen?

Vor zeiten da Nouatus die Kirch vnruwig gemacht/ vnd diſen
Biſchoff nicht erkennen wolt/ thut jm der H. Martyr Cyprianus das
wort/ vnd ſchreibt zu Pabſt Cornelio alfo: li. 1. ep. 3. Non aliunde hæ-
refes abortæ ſunt, quàm inde, quòd ſacerdoti Dei non obtempera-
tur, nec vnus in Eccleſia ad tempus ſacerdos & ad tempus iudex vi-
ce Chrifti conceditur. Alle ketzerey/ wil der H. Cyprianus ſagen/ kom-
men allein daher/ daß man dem Prieſter Gottes nicht gehorchen thut/
vnd an Gottes ſtat kein ſolcher Prieſter zugelaffen wird. Vnnnd vber
ein kleins hernacher: Wann dieſem Prieſter jederman gehorfam wer/ ſo
wird ſich niemands nit wider ein ſchlechtē Biſchoff/ ſonder wider Gott
ſelber zum Richter auffwerffen.

Vnd damit man wiſſen mög/ was er hiedurch für ein Biſchoff
oder Prieſter aigentlich verſtehe/ ſchreibt er widerumb: Die Ketzer dörfen
ſich auch vnderſtehn zu dem Stul Petri vnd der fürnembſten Kir-
chen zu Rom zuſchiffen/ 7c. Vnd abermal: Der Tempel iſt darumb

|3^v

dem oberften vorfteher der Kirchen fo gram/ damit er defto greulicher wider das Schiffin wüten mög/ wann der Steur oder Schiffman nicht mehr da ift.

Vnd der H. Hieronymus/ ad Dam. Papam: Jch gefell mich/ fpricht er/ zu deiner Heiligkeit/ vnnd zu dem Stul Petri/ auff denfelben felfen waiß ich daß die Chriftlich Kirch gebawt ift/ wer in difer Arch nicht ift/ der wird im fündfluß zu grund gehn. Jch waiß nichts von Vitali/ Meletium verwirffe ich/ Paulmum kenn ich nit: wer mit dir nicht famblet der zerftrewet/ das ift/ wer nicht dein ift/ wer dir nicht zugehört/ der gehört dem Antichrift zu.

Alfo haben dife zwen H. Männer vom Pabft zu Rom gefchriben vn̄ geglaubt. Was würden fie jetzt fchreiben/ wann jnen dife neuen leftermeuler weren fürkommē? Der böfe Mann Illyricus ift fonderlich in difer lefterfchul wol geübt vnnd abgefürt/ Vnnd nach jhm thuts der fchwartze Sophift zu Gieffen/ Nigrinus auch/ aber alle baid auff das aller bitterft: jener in vil vnd mancherley feiner Tractetlein/ difer aber in feiner verfelfchung der offenbarung Joannis. Fragt fie dann einer wa her fie in dife vnfinnigkeit gerathen/ daß fie den Statthalter Chrifti für den Antichrift halten dörffen/ So antworten fie bayde auß einem fack: Sie thuns fürnemblich darumb/ dieweil der Pabft dem Herren Chrifto nach feinem gewalt greiffet/ macht neue Glaubens Artickel/ neme Chrifto fein ehr mit der fürbitt der lieben Heiligen/ verfelfche jhm fein Opffer/ vnd meß jhme felber zu völligen gewalt vber den Geiftlichen leib Chrifti/ das ift/ vber die Chriftliche Kirch. Das haift ja redlich probiert/ aber nit daß der Pabft/ fonder viel mehr jr Idolum Luther der Antichrift fey. Dann daß der Pabft neue Glaubens Artickel machen fol wider Chriftum/ das ift ein lauter Calumnia, vnd haben vns dife lefterer noch zur zeit kein prob gethan/ da folches/ fo lang der gewalt vnnd Stul Petri gewehret hat/ befchehen wår. Von erleuterung etlicher Artickel lag ich nichts/ Aber daß folche wider Chriftum gefetzt/ vnnd zu glauben verordnet wåren worden/ deffen hat mich noch nie keiner bereden können/ ob ich fchon oftmals fleißig darnach getracht hab.

Eben ein folche Calumnia ifts auch mit der ehr Chrifti/ daß diefelb durch die lehr des Pabfts/ vom fürbitt der lieben Heiligen/ gefchmelert werden fol. Dann wir Catholifchen machen ein groffen vnderfchied zwifchen dem fürbitt des Herren Chrifti vnd der lieben Heiligen/

|4^r

gen/ nemblich eben disen/ der sonsten auch ist zwischen Christo vñnd den noch lebenden menschen/ zwischen seinem vñnd jrem fürbitt. Nimbt nun diß fürbitt der lebendigen menschen dem fürbitt Christi sein ehr/ so ifts ja vnrecht/ vñnd Paulus muß selber ein Ketzer sein/ da er zun Röm. am 15. vñnd zun Heb. am 13. daffelb so embfig treibt: Nimbt es jhms aber nicht/ wie es dann gewißlich nicht thut/ ey so nimbt auch die fürbitt der lieben Heiligen im Himmel der fürbitt Christi gar nichts/ diese Frösch quecken vñnd schreyen gleich so hefftig sie jmmer können.

Ein gleichförmige lesterung ifts auch mit dem Opffer. Dann im H. Ambt der Meß verfelcht der Pabst Christo dem Herren sein Opffer gar nicht/ sonder er vñnd alle Priester thun inn demselben eben das/ das jnen jr lieber Herr Christus zuthun befolhen hat.

Nicht weniger ist auch das eine Calumnia, daß der Pabst sich zu einem so stoltzem Herren vber die Kirchen Christi machen sol. Er hat wol von Christo gewalt empfangen/ aber nicht als ein bloffer Herr/ sondern als ein Hirt/ aber als ein solcher Hirt dē baides das ποιμαίνειν vñnd das βόσκειν doch limitata potestate ad suos terminos befolhen worden ist. Vñnd solchen gewalt hat die Kirch jeder vñnd aller zeit in diser perfon erkant/ auch die Griechen/ vñnd sonderlich die vier haubt Concilien/ deren anfehen bey vns weniger nicht als die vier Euangelia/ wie Gregorius schreibt/ gelten sol. Darumb vñnd sol diser gewalt ein Antichrist machen/ so muß der Antichrist längsten/ vñnd zwar bald nach dem H. Apostel Petro/ in Clemente vñnd seinen nachfolgern angefangen haben: Wer wil aber das sagen dörffen?

Darumb so ifts ja lauter lesterung das wider den Pabst zu Rom/ zu vnderdrückung seines Ambts vñnd seiner perfon/ von disen schwachen Sophisten gelehrt wird.

So ist das/ so oben von dem heiligen Hippolyto vermelt worden/ auch in allweg wider die Nigrinianos, in dem er selbs bekennt/ der Antichrist sol auß dem Stammen Dan geboren werden. Lieber wölcher Pabst hat sein herkommen jemals von Dan gehabt? Hat dann keiner sein herkommen von dem Stammen Dan gehabt/ wie ist dann der Pabst der Antichrist. Wie ist der Pabst der Antichrist/ der sich doch allewegen wider die zū ernstlichen gelegt die Christū angefochten/ vñ als schlangen auff dē weg sein volck angriffen vñ gebiffen haben/ als da gewesen

|4^v

welen sein/ die Ebionitern/ Arrianer/ Manicheer: Wer hat diese secten vnd Danisten ernstlicher verdampt dann eben der Pabst. Wie solt daß der Pabst der Antichrift sein/ der sich für Christum vnd nicht wider Christum so eiffrig im Streit finden laßt?

Aber weil wir je von Nigrinisten des Antichrifts halben angefochten werden/ so muß ich gerad mit der Sprach heraußer/ vnd sag demnach/ daß die lesterung/ so Illyricus vnd Nigrinus wider vnfern obristen Bischoff außspreyen/ sich in vil weg besser reume auff jren Religions stifter Lutherum dann auff den Pabst.

Ertlich fouil die ehr Christi anlangt/ weiß man wol wie hefftig er dieselb angefochten/ vnd eins groffen theils bey der Welt geschwecht hat/ in dem er den schönen sententz außwüch/ den Gott der Vatter selber von seinem Son außgeruffen/ da er sagt/ den solt jr hören. Dann dieses hören zeucht Luther allein auff das das von jm geschriben worden ist/ das aber nit geschriben worden/ das verwirfft er/ vñ solt es gleich noch ein mal Gottes wort sein. Deßgleichen vñ ob er schon wol daß das geschriben ist/ animpt/ so verfesselt ers doch/ vñ waigert sich in allweg den lautern verstand der Christlichen Kirchen weiters darvon anzuhören? Item er verwirfft vñ schneid das von dem wort Gottes ab/ das seinem schwindelgeift etwan widerstrebt/ Wer sicht hierauß nit wie Luther so böser verstockter weiß mit der ehr des Herrē Christi vmbgehe?

Was das Opfer anlangt/ hat Luther Christo auch ein groffen slich dardurch gethan in vilen Ländern vnd Königreichen/ die vor seiner zukunfft dasselbig fleißig frequentiert vnd geübt haben. Ertlich hat er jm genommen die ordnung Melchisedech/ Darnach auch dasselb H. Opfer dermassen mit seinem vnreinen maul angetaft/ dergleichen kein anderer nicht von Christi des Herrn geburt an biß auff diese zeit gethan hat. Daß dieses ein warzeichē sey des laudigen Antichrifts/ der von dē H. Daniel im König Antiocho abgemalt wird/ ist vnlaugbar. Dañ sein fürnembts amt wird sein das stäte Opfer abzuthun. Solches amt hat Luther fleißig geführet/ vnd öffentlich gelehrt/ man könne Gott zum freund nicht haben/ wann man solch opffer nicht dem vff vnd außtilge/ Was schleußt sich dann darauß anders/ dann daß Luther ein Antichriftlicher diener sey.

Also hat Luther dem Herren Christo auch sein Regieramt nicht zufriden gelassen/ sondern gar feindlich angefreult/ gerad daruñ/ daß

m1^r

daß er die form/ die Chriftus felber zu erhaltung mehrers frids vnnd ainigkeit in feinem Reich durch die Μοναρχίαν angericht/ fo thyranifcher weiß zerftört het. Vnnd folche herrliche recht Göttliche ordnung/ die auch die Hayden/ als Ariftoteles vnnd die feinigen/ für recht gehalten/ hat diefer feltzame geift in ein Babilonifche Confufion verändert/ daß ein jeder Herr/ ein jeder Lehrer/ ein jeder Prediger/ 7c. fein mag/ nach dem ihm einer mehr als der ander viel zumißt/ Lieber wer fol nicht von hertzen glauben/ daß diefer Luther des Antichrifts mancipium gewesen fey? Da bey bleibs nun/ vnd lerne der Chriftliche Lefer/ daß der Pabft zu des H. Hippolyti zeiten/ mit nichten für den Antichrift gehalten worden fey: Wilt du aber willen warfür er gehalten worden/ fo beife Originem vnd Cyprianum/ welche in demfelben 2. Centenario nach Chrifti geburt gelebt haben. Dann wider diefelbigen wird er ja als ein heiliger Bifchoff weder gelehrt noch gefchriben haben.

30. Boßhafftige Jünger.) Als vnfer heutige Rottengeifter/ die auß lauter boßheit vnnd neid nicht willen/ wie fie als recht Antichriftliche Jünger die Chriftlich Kirch vnnd jr fichtbarlich haupt nur genugfam vexieren vnd plagen können.

31. Betrügliche zeichen.) Betrügliche zeichen werden genant/ die/ die nicht realia oder wefentlich/ fondern nur augen verblendungen fein/ wie Simon Magus gethan/ vnd etliche bey den Hayden/ als Apollo/ der die finn der Menfchen wunderbarlich betrogen/ alfo daß man gemeint hat/ die Tauben reden/ die Bäume gehn/ 7c. ift aber lauter betrug/ vnd nur ein eufferlich fpiegelfechten gewesen. Solche zeichen vermögen auch die Schwartzkünftler/ auß hülf des Teuffels. Item auß gefchwinder conjunxion rerum naturalium. Deßgleichen fo werden auch betrügliche zeichen genant die/ deren end böß ift/ die etwann gefchehen die Menfchen zuuerfüren. Solche betrügliche zeichen wird der Antichrift thun/ nicht warhafftige zeichen/ wie die Chriftliche Catholifche Kirch noch täglich folche warhafftige wefentliche realia miracula waiß außzulegen/ fondern feine des Antichrifts wunderzeichen werden fein lauter verblendungen/ als wann fich ein Zauberer ftellt er freiß Roß vnnd Wagen/ vnnd ift doch nur ein verblendung/ ein fascinatio fenfuum. Nichts defto weniger fo werdens groffe vngeheure zeichen fein/ ja fo krefftig/ daß auch die außerwölten/ wa es möglich wår/ dadurch verfürt werden möchten/ Matthei am 24. Capittel. Aber wefent-

m1^v

liche zeichen wird der Antichrift nicht thun können/ wie auch seine vorbotten/ die heutigen falschen lehrer/ kein wunderwerck vermögen/ vñnd folten sie darüber zerpringen. Darumb befihe mein jüngst außgangen Buch von wunderzeichen.

32. Doch wird er.) Merck der falschen Lehrer Schaaffskleid/ darunter noch ein alter/ faister/ batzender Wolff verborgen ligt/ vñnd hüte dich mit fleiß. Dann von auffen wissen sie mit dem Euangelio/ mit dem wort Gottes/ mit rüwigkeit der gewiffen/ mit dem Glauben/ 7c. einem den balg fein sanfft zuftreichē/ aber hernacher lassen sie ein harten bösen ftachel hinder jnen/ der vil armer Seelen/ gleichsam ftilchweigender weiß/ in abgrund der Hellen stoffen vñd verfencken thut.

33. Die Jüden werden vber jm halten.) Das hat Chriftus lang zuuor gefagt/ da er Joannis am 5. spricht: Ich bin kommen inn dem namen meines Vatters/ Vñd jr habt mich nicht auffgenommen/ es wird aber ein anderer kommen inn seinem namen/ den werd jr auffnemen. Der Chriftliche Leser wölle doch diese nachfolgenden Periodos wol zu hertzen führen/ vñd der Antichriftlichen vorbotten heutiges tags warnen/ so wird er ein recht Prophetische Comparation vñd vergleichung finden.

34. Den König der Aegyptier.) Dardurch verstehe ich die/ die solche Länder heut innen haben. Ich vermain gantzlich/ vñnd hab sein guten grund/ dieser Antichrift werde den Mahomet tilgen/ zuuor wird weder frid noch ruhe sein vor jme/ daruon mag man lesen vñd wol erwegen das 38. vñd 39. Capitel Ezechielis.

35. Die mehrermelten Propheten.) Der H. Hippolytus ist der meinung/ wie auß diesem ort abzunemen/ daß in dem ersten theil der Wochen/ nemblich die vierdhalb Jar/ vor dem Antichrift die H. Propheten Enoch vñd Elias predigen werden. Solches stimpf mit dem 11. Capitel der offenbarung Joannis nicht vberein/ darinnen vermelt wird/ daß nach der Conculcation der H. Statt/ die ernanten H. leut kommen werden. Der Leser schawe selber auff. Tröstlicher wird es sein/ wann sie hernacher kommen werden/ mehr dann wann sie zuuor schon predigt hetten.

36. Das ander halb theil.) Hierin wird vermelt/ wie lang das Antichriftlich Reich wehren sol: Man fagt gemeinlich/ was bald wechft/ das vergeht auch bald: Ist inn vielen natürlichen dingen ein gewiffes Sprich

m2^r

Sprichwort/ das wird auch am Antichrift wahr werden/ Dann allhie vermelt der H. Hippolytus/ daß sein Reich lenger nicht dann vierdhalb Jar ftehn sol. Wölches ja ein geringe zeit ist zu einer solchen Tyranny. Mancher möchte es nit glauben (wie ich deren leut selber etlich kenn) daß der Antichrift so ein kurtze zeit regieren sol/ dieweil es nicht wol möglich/ daß man in einer so großen eil einem solchen greuel beyfallen solt können. Aber der wird es gern glauben/ der diese vnferre zeit ermilt vnnd betracht/ was für ein vnwelen von Luthero entftanden/ da wird man befinden/ daß Luther inn einer gar kurtzen zeit one allen schein der heiligkeit/ one alle Tugend/ one alle wunderzeichen/ one schanckung vnd gaben/ 7c. ein vnaußsprechlichen abfall zuwegen gebracht/ zu wölchem sich also bald innerhalb einer Jars frift/ vil Layen/ Edel vnd Vnedel/ Munch/ Priefter/ Nonnen/ 7c. geschlagen haben. Was wird dann alsererft dazumal geschehen/ da der Antichrift anfenglich von auffen ein scheinbarlich heilig leben führen wird/ wird zeichen thun/ wird gewalt vben/ wird große freundschaftt machen mit den Potentaten/ wird gelt vnd gaben verhaiffen denen die jm anhangen: Ach es wird vmb ein tag zuthun sein/ daß er etliche junge Teuffelein hin vnd wider in die Länder fliegen laßt/ bald wird es hauffen weiß abfallen/ wie das dürr laub von den bäumen/ von wegen mangels des Glauben/ dessen sich Chriftus beklagt/ er werd in seiner andern zukunft kein oder wenig mehr findē können.

37. Dann dieweil vns.) Der Chriftliche Leser verirre sich inn diesen Periodis nicht/ sondern gedencke/ daß der H. Hippolytus sein sonderbare mainung gehabt/ vnnd den Antichrift ein Teuffel vermaint hab. Aber dieser sententz kan nichts desto weniger gar wol auff seine des Antichrifts heutigen vorläuffer gezogen werden. Dann dieweil dieselbigen/ wie zuvorhin gefagt worden/one ainige mirackel/ allein mit jrem rohlofen leben vnd vnerbaren wandel/ so große zerrüttung haben anrichten können: was mainen wir dann daß als dann für ein jamer/ lärmen vnnd Confusion geschehen werd/ wann der rechte Antichrift/ vber besonders anfehen seiner person/ vber die kunft zumouieren vnd zubewegen/ vber alle zierlichkeit zu reden/ auch vber den schein eins erbaren wandels nicht allein große vnd merckliche/ jedoch falsche wunderwerck auß verhengknuß Gottes würcken/ sondern auch mancherley graußame verfolgungē wider die Catholischen antiftten/ sie auch zum jämmerlichsten peinigen vnd plagen wird/ also daß wie geschriben fteht Luce am 18. Cap. keiner

M2^v

nicht felig werden möcht/ wann die tåg dife Tyranny nicht auß sonderbarer difpofition des allmechtigen verkürtzt würden?

38. Nach difem jamer.) Da wölle der Chriftlich Lefer gedencken an die wort Chrifti/ da er fagt/ Luce 17. es werde folche tribulation vnnd engftigung fein auff Erden/ dergleichen von anbegin der welt nit gewefen ift/ fonft möchte eim dife redē Hippolyti zuuil Hyperboliſch geduncken. Ach Himelicher Vatter behüt vns vor folcher graufamen zeite/ vnd nimb vns dauor in dein Reich/ damit wir folchen gewel vor vns nicht fehen dürffen.

39. Vil werden von hungers wegen zu jm kommen.) Das laßt ſich an vnfern Apoftatis als an den vorlauffern des Antichrifts/ nur gar zuwol fehen vñ fpüren/ die eins groffen theils/ dem bauch zugefallen/ raine lehr verlaſſen/ vnd ſich in jrthumb begeben. Der liebe ſchlayer reißt auch jren vil von der warheit ab/ die fonften freylich beftendig fein würden/ wann man jnen das ſpil mit dem ſchlayer zuließ. O du ſcheutzliche gailheit/ daß dich Gott verfluche in abgrund der Hellen/ daß du der vernunft predominieren ſolt.

40. χξς.) Difeſe ſol das zeichen fein des Antichrifts/ dieweil die buchſtaben die zahl 666. erfüllen/ dauon Johannes inn feiner offenbarung geweiſſagt hat. Von folcher zahl fein mancherley iudicia der Gelehrten.

Der H. Ireneus iſt der mainung/ das wörtlin ε*ναν ſolt auch dife zahl geben/ Aber es wird one zweiffel ein error fein/ Dann ε*ναν gibt lang nicht 666. Darumb ſo glaub ich es müſſe haiffen ε"φαξ, dann dieſe vier buchſtaben erfüllen gerad folche zahl.

Es wår etwas darumb zugeben/ daß man für gewiß wiſſet/ wie oder was für ein wort der H. Ireneus gebraucht hab. Dann das wird nicht ein vergebens/ ſondern ein gehaimſ wort gewefen fein/ darumb ſo hats der H. Joannes nicht außſprechen/ ſondern ſeinem Jünger Polycarpo haimlich ins ohr ſagen wöllen/ der hats darnach widerumb ſeinem Jünger Ireneo vertraut/ Vnnd Ireneus der ſchreibet/ er hats vom Polycarpo verſtanden/ daß wann alle buchſtaben/ die im namen der beſtien fein/ nach Griechiſcher zahl zufamen bracht werden/ ſo geb es 666. vnd als dann mög der nam des Thiers erkant werden. Darum̃ ſo wår der nam nach Calculation des H. Hippolyti χξς, nach Ireneo (iſt es anders kein fähl) ε"φαξ. Der hochgelehrte Staphilus feliger nennt die

m3^r

die beftiam Lutherana, dann auß folchen zufamen gerechneten buchftaben kombt die zahl gerad vnd eben 666. alfo:

λ	o	v	θ	ε	ρ	α	v	α.
30	>0	400	9	5	100	1	50	1.
			6	6	6			

Jft nicht ein böß inuentum. Bey mir ift das noch fchröcklicher vnd bedechtlicher/ daß der gantzẽ nam des newen vermainten Eliæ Lutheri dife zahl erfüllen thut. Dann wann man das A b c nach Pythagorifcher weiß (wie man gemeinglich einem feinen Planeten pflegt zu rechnen) in zahl abtheilt/ vnd fummirt es darnach zufamen/ fo kommen gerad 666. Alfo:

M	a	r	t	i	n	L	a	u	t	e	r.
30	1	80	100	9	40	20	1	200	100	5	80.
			6	6	6.						

Etliche Antichriftliche Suppenfreffer haben fich vnderftanden/ vnd vil fleiß darüber gebraucht/ ob fie folche zal etwann auff eins Pabft namen bringen möchten. Es hat aber die rechnung niergends wöllen von ftatten gehn/ dann an difem Kind des verderbens/ Luthero/ wer wille dann nicht fagen Luther gehöre zum Antichrift/ dieweil jhm auch der nam fo artig/ vnd bey eim punctlin gleichen thut? Aber es wird fich alles vil beffer reumen vnd fchicken auff den rechten Antichrift/ wölcher mit der that erfüllen wird alles was Luther vnnd feine Mitconforten gleichfam in einem vorfpil angefangen haben.

41. Helias zuuor.) Auß diefem ort fihet man beffer dann klar/ daß der H. Hippolytus der mainung gewefen/ Enoch vnd Elias werden vor dem Antichrift vorher gehn/ vnnd wider jn jr predig verrichten. Vide Scholion 35.

42. Von jrem Kõnig.) Das verftehe auch von denen/ die in verfolgung fein der verbotten des Antichrifts jetziger zeit/ denen wird Chriftus der Herr hauffechtigh widerumb lohnen/ wann fie nicht abfallen/ fondern bey feiner warheit ein mal ftandhaftig verbleiben. Non credens, fed permanens coronabitur, fpricht der H. Greg. Vnd dem der da verharret biß ans end/ verhaift Chriftus die feligkeit/ Math. 28. nicht dem der wider abfelt/ vnd an jm trewloß wird.

43. Weder zu effen noch zu trincken.) Das muß auff das vorgehend
m ij ge

m3^v

gezogen werden/ da der H. Hippolytus gefagt hat/ wie alles zur zeit des Antichrifts werde außdrücknen/ vnd in groffen mangel gerathen. Sonften hat es kein verftand/ vnd hangt nit an einander.

44. Da werden fie aller erft abnemen.) Schaw was der Antichrift für ein letz hinder jhm laffe. Der anfang war wol gut/ das dalmen war je freundlich/ die verhaiffungen waren zumal hochwichtig vnd groß: Aber das end ift ja erfchröcklich. Solcher gefalt werden gewißlich alle die jenigen dermaln aineft auch gewitziget werden mit jrem fchaden/ die heutigen tags die vorgelobten des Antichrifts fo inbrünftiglich anbetten/ halten fie für Propheten/ vnd für diener des allmechtigen Gottes. Zwar jr fürgeben ift groß/ daß fie von Gott gefand worden fein/ prächtig ift es/ daß fie fich des Euangelions behümen/ tröftlich ift es/ daß fie jhnen die raine lehr vnd rechten gebrauch der H. Sacrament felber zumaffen/ holdfelig ift es/ daß fie jren anhangern das ewige leben verhaiffen: Aber in fine videbitur cuius toni, wann die zeit wird vorhanden fein/ daß fie follten in ein andere Welt ziehen/ da werden fie jre blöffigkeit allererft fehen/ da werden fie erft den betrug erfahren werden/ die jre Lehrer/ fie nicht zu/ fonder von dem ewigen leben auff jrrweg abgefürt haben. O frommer Chrifft/ merck doch wol auff/ vnnd werde auß der vermanung des H. Hippolyti witzig/ ehe das ftündlin kompt. Sonften ift anders nichts zuuerhoffen/ dann lautter hinderlift/ vnd das ewige heulen vnnd weheklagen/ vnd hernacher der fchwere zorn Gottes.

45. Die Meß.) λιτυργία ftehet im Griechifchen. Da merck geliebter Lefer/ daß der H. Hippolytus die außtilgung der Meß für ein werck des Antichrifts gehalten hab/ vn̄ hüt dich vor denē/ die folche H. Opfer zu difen zeiten fo verftockter weiß verdammen/ vn̄ hin vn̄ wider abthun/ geben darmit zuuerftehen/ daß der Antichrift in vniuerfali Ecclesia dermaln aineft das verrichten wird/ das fie in particularibus treiben.

46. Die Pofaun.) Von difer Pofaun fchreibt der H. Hiero. daß fie jm jimmerzu vor den ohren kling. Ich effe gleich oder trinck/ fpricht er/ ich fchlaff oder wache/ ich thu fumma fummorum was ich wöl/ fo gedünckt mich ich hör jimmerzu die Pofaun Gottes/ vnd jr ftim̄: Surgite mortui, venite ad iudicium. Stehet auff jr Todten/ kompt zu Gericht.

47. Der Son des verderbens.) Hie merck den erfchröcklichen vndergang des Antichrifts/ aller feiner vorgelobten vnd diener. Der H. Ambro. ift der mainung/ Chriftus werd feinem widerfacher felber erfcheinen/

vnd

m4^r

vnd jn mit einem wort herunder ſchlagen/ wann der Antichrift ſich ſtel-
len wird als ſchweb er in den Lüfften/ vnnd fahr gen Himel. Andere die
ſagen/ der H. Ertzengel Michael werde wider jn ſtreitten/ vnd die Teuf-
fel/ die jn in der lufft vmbfüren/ vberwinden/ daß ſie in werden auff die
Erd fallen müſſen laſſen. Nach wölc̄hē vil widerūm zu Chriſto bekehrt
werdē ſollen/ ſonderlich auß den Jüden/ vñ wird wahr gemacht werdē/
das Paulus ſagt. Reliquiæ Iudeorum ſient ſaluæ, vnd Daud: Con-
uertentur vt canes ad veſperam. Daß aber der H. Hippolytus anders
daruon ſchreibt/ verfteht er die verſtockten Jüden/ denen wird Gottes
gnad in ewigkeit verſagt ſein.

48. Fleiſch vnd Blut.) Merck abermal was der H. Hippolytus von
dem Prieſter ſeiner zeit gehalten/ nemblich daß ſie ſolche leut ſeyen/ die
alle tag Chriſto ſein aller heiligſt fleiſch vnnd blut können auffopffern/
Wa ſtehn dann vnſere Antichriftliche vorlauffer/ die ſie für mörder vnd
creutziger Chriſti dörfſen außſchreyen. Aber diß ſprüchlein Hippolyti ſol
Catholiſchen Prieſtern auch geſagt ſein/ nemblich/ daß ſie alſo ſollen
qualificiert vnnd geſchickt ſein/ damit ſie auch täglich offerieren/ vnnd
Chriſtum im Ambt der H. Meß Gott ſeim himliſchen Vatter darſtel-
len können.

49. Marter.) Merck was der H. Hippolytus von der Jungfraw-
ſchafft herlich gehalten hab/ wider die/ die da ſagen ſie ſey ein gering
mittel zur Seligkeit/ es lige Gott nit vil daran. Ein Marter aber nennt
ers/ dieweil es ja kein geringe pein iſt ſtetigs dem fleiſch zuwider ſtre-
ben/ ja diſe pein iſt etwas gröſſers dann die zeitliche marter. Wann man
ein hengt oder köpfft/ ſo wärt es ein augenblick/ darnach iſts geſchehen/
vñ empfind der Cörper nichts mehr. Aber mit dent die Jungfrawſchaft
rechtgeſchaffen halten/ hat es ein andere mainung/ vnnd haift nemblich
ſchier wie dort geſchrieben iſt: propter te mortificamur tota die, vnnd
ſolches von wegen der grauffamen pfeil die der Teuffel auff die Jung-
frawſchafft lieber brent vnd abſcheuft. Darumb dorfft der H. Ambroſi-
us ſagen/ Der Jungfrawen ſig iſt vil herlicher dann der
Engel: Dann die Engel haben kein fleiſch/ die
Jungfrawen aber müſſen im fleiſch
jren ſig erlangen oder
erhalten.

Ende der Scholion.